

KUGCULISEKA BESE UYATIHLUPHA

 Ngiyabonga, kakhulu, Mnaketfu Park.

Sanibonani kusihlwa, bangani. Kummandzi kuba lapha kusihlwa futsi. Futsi ngiyacabanga nikhatselle kuhlala, nilalelaneli nami. Futsi ngi—ngikhatselle kakhulu, ngasha livi, ngishe livi kancane ekushumayeleni kamatima.

² Ngikhulumha nje neMnaketfu Parker lapho, futsi ngimtjela kutsi ngikholwa kutsi lena ngulenye yetinkonzo letinhle kakhulu iNkhosi lengivumele kutsi ngibe kuto sikhatsi lesidze. Betingasitinkhulu, niyati kutsi ngicondze kutsini, kodvwa ayisiyo lenkhulu kakhulu. Bekunalabanengi kakhulu labayetsamele, kodywa le—le—lekhwalithi yayo, beyimangalisa. Kukholwa, hhe, kubukeka kwangatsi noma yini beyingenteka. Ngiyalutsanza lolohlobo lwemhlangano lapho utivela khona kanjalo nje kutsi nomayini ingenteka noma nini. Futsi ngi—ngiyakutsanza loko. Futsi nginesiciniseko kutsi kutobakhona imiphumela letohlala sikhatsi lesidze, futsi itotibonakalisa.

³ Ngikubabata impela kubeketela kwenu nonkhe, ngihleti, ngitilalele ngishumayela ema-awa, bese-ke ngibuya ngebusuku lobulandzelako. Impela ningakumela mbamba lokunengi kujeziswa. Niyabona na? Ngako ngi...Ngiyati kutsi unalokunengi kubeketela lokuhle. Ngako si... .

⁴ Ngifuna kusho, kitsi sonkhe, kutsi siyabonga kini, kulowoMnaketfu Thomas. Angikhoni nje kuvakalisa imizwa yami ngeMnaketfu Thomas. Yena, bengicabanga kutsi bengimati, kodvwa ngimphambatise nalomunye umuntfu. Ngifanele ngichawulane newakhe lolligugu, umkakhe lomncane. Futsi batinceku taKhristu sibili. Futsi impela ngiyetsema kutsi, Nkulunkulu atsanza, kutsi tindlela tetfu titophindze tihangane, tikhatsi letinengi kakhulu, emphilweni.

⁵ Kube bengingini bantfu, futsi ngiqlala khona lapha, libandla lakhe belitoba yindzawo kutsi lebengitobe ngiya kuyo. Ngako ngi—ngiyabatsanza, indvodza le... .

⁶ [UMnaketfu Parker Thomas utsi, “Ngiyakutondza kuphatamisa uMnaketfu Branham kanjena, kodvwa ngicabanga kutsi kutobakahle kulomcimbi. Ngiyambonga ngaleto tilokotfo naletlo intfo lenhle layishito. Bengitibuta nje uma bantfu konkhe khona lapha, nabo bonkhe labetsamele lengcungcuthela, longatsanza kuba naye kutsi abuye futsi. Nitsini ngaloko? Wonkhe umuntfu uyakufuna na?” Libandla lishaya tandla—Umhl.] Ngiyabonga. [“Ecinisweni, ningatsanza kutsi abuye ngeNhlabu lelandzelako futsi—futsi nje ahiale natsi na? Uma nifuna, manini ngetinyawo tenu. Phakamani.”] Ngiyabonga. [“Kulungile. Hlalani phansi.”]

⁷ Ngiyabonga, kakhulu. Loko kuhle impela. Ngiyabonga, Mnaketfu Park. Ngikakhulu...[Lomunye ukhulumana neMnaketfu Branham—Umhl.]

⁸ Utsite tonkhe tindleko tibhadelwe, nayo yonkhe intfo. Siyanibonga nonkhe ngelubambiswano loluhle, lusito, ngoba, niyati, kuyabita kuba naletingcungcuthela leti. Futsi ngako yonkhe intfo seyibhadalelw. Loko kuhle kakhulu. Siyabonga nje kakhulu. Yonkhe intfo, ngekhatsi nangetulu.

⁹ INkhosi isindzisile, iphilisile, futsi yonkhe intfo yentekile, ngako siyajabula nje kuba nguloko...kubona loku. Ngiyakutondza kubona lomhlangano ungena emlandvweni. Kodvwa sihlahla sitawuphindze sihluma futsi e...Emuva le, etikhatsini letitako, sitobona imiphumela.

¹⁰ Manje sifuna kubonga wonkhe umuntfu futsi ngako, ngifuna, ngetipho letincane lenititfumele kimi kulesikhatsi lesi. Ngiyakutsakasela loko kakhulu, kakhulu impela.

¹¹ Futsi manje, siya entasi manje kuyovakashela uMnaketfu Bigbee eNingizimu Carolina, eColumbia, eColumbus, eNingizimu Carolina. Futsi sitawuba lapho kusasa ebusuku nangaLesibili ebusuku, neMnaketfu Bigbee. Khona-ke siya ngale eWest Coast.

¹² Ngifuna kunibuta, bese-ke, kusukela lapho, ngiyacabanga, emvakwekuba sesicedze lomkhankhaso etulu lapho, Ngifuna kuya e-Africa, e-Australia, eNew Zealand, nakokonkhe lapho. Ngingayicela yini imikhuleko yenu, kutsi Nkulunkulu angisite? [Libandla litsi, “Amen.”—Umhl.] Futsi ngiyabonga kakhulu.

¹³ Futsi sibonga kakhulu ngato tonkhe tintfo. Ngitisholo mine loko nakabantfu lolapha labavela etabernakeli. Nginewetfu... noma lamanye emagonsa etfu lapha, nemadikhoni, nalabanye bebangani bami labavela entasi lapho.

¹⁴ Umfundisi wetfu ulapha. Angikaze ngikhone kubona uMnaketfu Neville. Ngiyacabanga wetfuliwe. Ngabe wetfuliwe? [UMnaketfu Parker utsi, “Ya.”—Umhl.] Ya. Mnaketfu Neville. Ukuphi, Mnaketfu Orman. Ngingeke nje ngikhone kukubona. Futsi, o, hhe! Emuva lapho, mkhulu nje. Yenyukela lapha umzuzu nje.

¹⁵ Lendvodza lena, ngiyati kutsi iyinceku yeliciniso yaKhristu. Bekasikakadza seMethodisti, wase-ke wemukela Moya loNgcwele. Manje uyiMethodisti yaMoya loNgcwele. Lona ngumfundisi wetfu loligugu.

¹⁶ Ngifuna kukuchawula, Mnaketfu Neville. [UMnaketfu Neville utsi, “Ngiyabonga. Nkulunkulu akubusise. Kuhle kukubona.”—Umhl.] Ngiyabonga. Ninato titulo...?...

¹⁷ Sengimati uMnaketfu Neville iminyaka, newakhe lotsandzekako, umkakhe lomncane, ngisho ngaphambi kwekutsi bashade. Futsi leminyaka lengimati yona, akakaze agucuke

nakancane, kuphela nje waphakama waba kuNkulunkulu. Nguloko kuphela. Kodvwa ungametsema. Siyamtsandza manje njengemfundisi. Sewube sekhatsi lapho iminyaka, futsi siyetsema kutsi ahlale aze Jesu abuye, uma kuba yintsandvo yeNkhosi.

¹⁸ Futsi ungatsandza nje kusho ligama kulabantfu, Mnaketfu Neville?

¹⁹ [UMnaketfu Neville utsi, “Yebo-ke, ngitfokota sibili kuba lapha kuphekeletela lendvodza lelungile yaNkulunkulu, lekube yinhanhla yami kumbandzakanywa nayo leminyaka lelishumi. Angati noma ngibe nguGehazi lolungile yini, noma cha, kodvwa ngitamile kwetfwala ludvondvolo lwalendvodza yaNkulunkulu. Ungetulu kwemngani kimi. Bekasolo anjalo, njengoba kwakunjalo, babe eVangelini, wami, futsi, naloku nje ngimendlula ngeminyaka lembalwa ngebudzala—Umhl.]

²⁰ [“Kodvwa, noko, ngitfokote kakhulu, futsi, kuba kulomhlangano. Lokutsite kungibambile entasi lapha eSouthern Pines, kutsi ngiyayitsandza lendzawo kahle kakhulu. Futsi ngiyitfokotele kakhulu. Ngiyati kutsi Nkulunkulu bekanesandla ebuntfwini bami kutsi ngikhone kuta lapha futsi ngibe neMnaketfu Branham kulomhlangano. Ngako, ngitfokote kakhulu impela ngekuba lapha, kutsi tintfo tivele tasebentelana ngalokuvumako nakahle kakhulu impela, kutsi nje angikhomi kudvumisa iNkhosi ngalokwenele, kusihlwa, ngako konkhe loku.]

²¹ [“Kodvwa, ngetulu kwako konkhe, ngatsi, ngesikhatsi ngifika lapha, yinhe kuphela intfo legcamisa wonkhe lomhlangano kimi, futsi loko Livi laNkulunkulu. Amen. Beningeke... Kube beningakaboni muntu aphilisiwe, uma beningakaboni muntu akhulekela labagulako, kube nje Nkulunkulu achubeka nekunginika Livi laKhe, kunekutfokota lokugewalisa umphefumulo wami, futsi kusuka phansi ematssemi etinyawo tami kuya esicongweni senhloko yami, leLivi leNkhosi. Futsi, amen.]

²² [“Ngitfokotile kutsi Nkulunkulu ulibusisile leli-awa lenceku yaNkulunkulu nemprofethi. Futsi ngive siBusiso lesivela kuye sita kimi, ngako ngiyajabula kutsi ngifanele ngibe lapha. Ngiyetsema kutsi nonkhe nive intfo lefanako lenginayo, kuletinkonzo leti. Nkulunkulu uyibusise mbamba inceku yaKhe entasi lapha kulendzawo. Sizatfu ngikwati loko, ukuvakalisile esikhashanenai lesendlulile. Netintfo letinkhulu naletinemandalia lesinato ekuKholfeni, kusihlwa!]

²³ [“Babe, liBhayibheli liyasifundzisa, asidzingi kuba netintfo letibonakalako. Konkhe lesikudzingako kutsi, uma sikhuleka, sikholwa, futsi sesivele sinako. Amen. Nginato manje, ngoba nguleyondlela liBhayibheli lelitsi kungiyo. Futsi ngiyatfokota kuloko, ngoba Nkulunkulu wenta letintfo leti letimangalisako

ngaloku, umfundisi wetfu, Inceku yaNkulunkulu nemprofethi, uMnaketfu Branham. Futsi kwangatsi iNkhosi ingake imbusise futsi ichubeke nekumgcina ngaleNdlela. Ayidvunyiswe iNkhosi!”]

Nkulunkulu akubusise, Mnaketfu Neville, kuyoyonkhe inhliitiyo yetfu.

²⁴ Manje, niyati, uma uya kuyongcebeleka, uma lotsite akhiphe sihlahla lesincane ndzawanatsite, yebo-ke, ungeke, awati noma sisekhona lapho noma cha, niyabona, ngoba nje sesibekiwe, sikhishiwe, noma lokutsite. Kodvwa uma wati kutsi kunemu-okhi lomdzala lohleli nje lapho sonkhe sikhatsi, wena empeleni ungacabanga kungena ngaphansi kwalesosihlahla nekuphumula. Lowo nguMnaketfu Neville, lokufanako nje nsuku tonkhe, achubeka nje ngco. Ngako ngiyajabula kakhulu ngaloko.

²⁵ Sina—nalomunye umnaketfu lapha, umfundisi lomncane, lomunye wemabandla langudzadze welibandla letfu entasi lapho. Uma angeti laphetulu, ngingatsanza kutsi asukume, UMnaketfu Junior Jackson, lenye iMethodisti legcwaliswe ngaMoya loNgcwele. Junior Jackson, ukuphi? Mnaketfu Junior Jackson, iMethodisti, legcwaliswe ngaMoya loNgcwele. Nangu lapha, khona *lapha*, Mnaketfu Jackson. Kukhona lofuna kukusho, noma yini lofuna kuyisho na? Kulungile.

²⁶ Lomunye lapha nguMnaketfu Palmer, lomunye webanaketfu lapha. Ungasukuma nje, Mnaketfu Palmer? Umfundisi lovela entasi eMacon, eGeorgia, unglomunye webangani betfu.

²⁷ NeMnaketfu Fred Sothmann, ngiyati kutsi ulapha. Ungulomunye wemagonsa etfu ebandleni. Ukuphi, Fred? Ndzawanatsite ekhatsi lapha, uhleti emuva lengemuva.

²⁸ Mnaketfu Banks Wood, ukuphi, Mnaketfu Banks na? Ungulomunye wemagonsa etfu, ngalapha.

²⁹ UMnaketfu Banks bekanguFakazi wakaJehova, niyati. Futsi weta enkonzweni, futsi bekanemfana lokhubatekile, David, umlente wakhe udvonsekile, ngenga yavendle. Futsi ngangisemhlanganweni welithende, futsi kucala bekabone... Bekalapho e—eDallas, ebusuku... noma, eHouston, ngesikhatsi Moya loyiNgcwele ehla kulesosimo saloko kuKhanya, futsi batsatsa sitfombe saKo. UMnaketfu Wood bekalapho. Ngako, bengisengakamati ngalesosikhatsi. Futsi ngako wahlanganisa imali leyenele ndzawonye. Unegontraki. Weta emhlanganweni lolandzelako. Ngaya ngesheya kwetilwandle, kusukela lapho, futsi waya emhlanganweni lolandzelako. Bekenemfana wakhe akhubatekile, navendle. Futsi ngesikhatsi sisa... Ngangime lapho ngaphansi kwelugcobo lwaMoya loyiNgcwele, luya emuva nasembili esicukwini, ngakhulumma naye. Ngamtjela konkhe ngako. Ngamtjela kutsi asukume.

³⁰ David, ukuphi? Ngabe ukhona la, kusihlwa? Ya. Lomfana bekakhubatekile, nguye loya. David, uma bantfu bangakholwa kutsi Nkulunkulu angamphilisa umuntfu lonemlente wakhe loshwilwe nguvendle, netintfo, Ngifisa kwangatsi bewungaphumela lapho nje, umzuzu nje, ubakhombise kutsi ungahamba kanjani. Ya. Ya. Lapha, akusiko nje kutsi siyabukisa esiveni, kodvwa bufakazi nje. Lapho, niyabona, kungekho ngisho kuchuta noma lutfo lolunye, lophile saka lophile saka futsi lusindzile. Niyabona na? Kuyamangalisa impela, impela, loko iNkhosi yetfu lengakwenta. Manje, uma Atomentela loko, ngani, Utokwenta ngalomunye umuntfu. Niyabona na? Ngako, impela, kukutsi nje uma singatfola lolohlobo lweukuholwa.

³¹ Manje, kusobala, nonkhe niyejwayele, kwati uMnaketfu Ben entasi lapha. Uvele nje...uyati, lomuntfu lona longamuva etikwakhe wonkhe umuntfu, atsi, “Amen.” Ngitonitjela lokuncane. Ngiyakutondza kusho loku kuye; umkakhe ahleti lapho. Sonkhe siyamtsandza Ben. Futsi kwakungaphambi kwekutsi ashade. Ngangingephandle eWest Coast. Nalowomfana uvela eningizimu Indiana.

³² Ngangingephandle lapho eWest Coast, ngishumayela nje khashane, enhla ngebusuku bunye, eSan Franco Valley, sigodzi, nebantfu labangemaBaptisti, lithende lelikhulu ligcwele bantfu. Manje, baluhlobo lwebantfu labahlungekile, niyati. Futsi ngangisolo ngishumayela nje. Khona ngco ngeva kukhala lokukhulu; sichova lesimnyama setinwele, sinyakata, njenge—njenge—njenge—njengeliMexico; tinyawo letimbili letinkhulu timbimba emoyeni; tandla takhe *kanjalo*. Ngema. Ngatsi, “Ben, niphumele kuphi emhlabeni na?” Nango lapho.

³³ Nkulunkulu akubusise, Ben. Wena awukehlukani nje nekusukuma, vele usukume nje, wena nemkakho. Singatsandza nje kubantfu ku...Mnaketfu Ben, ngulowo lobekenta bonkhe labo “amen” entasi lapha *kulelikona* lapha. Nkulunkulu akubusise. [UMnaketfu Ben Bryant utsi, “Fisani yonkhe imikhuleko yenu. Siyetsema kutsi sitobuyela emuva ensimini yetifunywa tenkholo, kungakabi sikhatsi lesidze, etintsabeni, Mnaketfu Branham.”—Umhl.] Amen. Nkulunkulu akubusise.

³⁴ UMnaketfu Way, lesinye sitfunywa senkholo, sitama kufinyelela emasimini etimishini. Ukanye natsi, kusihlwa. Siyamat. Bekasolo asihambi entasi endleleni yetfu kwesikhashana. Ukuphi, Mnaketfu Way? Ngabe ukhona lamhlanganweni? Khona *lapha*, nemkakhe. Futsi manje, ngiyantjela, imphi emkhatsini weNgiland neNorway seycataluliwe. UngumMngisi, futsi lowesifazane ungumNorwegian. Sekuphelile. Bantfu labatsandzekako. Yebo, mnumzane. Imphi seyiphele nya.

³⁵ UMnaketfu Boze bekasentasi, ngalolobunye busuku, akhombisa sitfombe sakhe, futsi atsi, “O, yebo-ke,” watsi,

“nango wesifazane...” Loyo nguDzadze Sothmann. Futsi ngifisa kwangatsi bengingamsukumisa, naFred, ekhatsi lapha ndzawanatsite. Bantfu labatsandzekako. Futsi lowesifazane ungumNorwegian. Kusobala, uMnaketfu Boze ungu—unguMsведен. Wase utsi, “Hum! Hum!” Uyati kutsi Joseph wentani. Watsi, “Kunadzadze lapha, dzadze,” watsi, “ungumNorwegian.” Watsi, “Kusobala, uma ungeke waba liSwede, kuhle kuba ngumNorwegian.”

³⁶ Waphumela ngephandle, wabuka ngala ngakimi. Ngase ngitsi, “Kusobala, Joseph, kubi kakhulu kutsi bonkhe bangeke babe ngum-Irishi, emadvodza langum-Irishi.” Ngako sonkhe sinako kuncokola entasi lapho.

³⁷ Mnaketfu Higginbotham, ukuphi? Khona lapha ndzawanatsite, yebo-ke, lenye indvodza lemesabako nkulunkulu levela entasi endleleni yetfu. Munye lobekaligonsa ebandleni entasi lapho, iminyaka neminyaka. Nemngani wakhe, Dzadze Arganbright, Dzadze Ruth Arganbright, khona lapha. Ngikhola kutsi uhleti khona lapha esikhaleni setitulo. Sukuma. Bangakhi lowati Minor Arganbright? Lomunye webasekeli babomengameli beFull Gospel Business Men, umzala kuye.

³⁸ O, hhe! Uma ngigeja noma ngumuphi wenu bafo! Mine, ngiyatichenya ngani, nonkhe. Ngiyajabula kutsi usefulu lapha natsi. Asati, kungena nekuphuma.

³⁹ UMnaketfu naDzadze Dauch labahleti laphaya, naye, naDzadze Brown, uMnaketfu Brown.

⁴⁰ UMnaketfu McKinney, lomunye umshumayeli waseMethodisti IonaMoya loNgcwele. Ukuphi, Mnaketfu McKinney? Nikuphi, ngalapha? Uvela enhla e-Ohio. *Lapha*, emuva le lapha, lomunye logcwaliiswe nswi logewe, totalwa kuleLivi, umMethodisti lokhuhlutiswe wakhishwa. Kunjalo. Manje, umbhabhatiso waMoya loNgcwele, uchubekela kuNkulunkulu.

⁴¹ Pat Tyler, lomunye umngani wami lomkhulu lohleti ngalapha. Mnaketfu Pat, sukuma. Nonkhe ningahle nimati Pat Tyler. Ngiyabonga, Mnaketfu Pat. Nkulunkulu akubusise. Bekasephulamtsetfo, angulophatsasibhamu, umbulali. Nkulunkulu wamsindzisa futsi wenta longcwele ngaye. Kucela kugitjeliswa eveni lonkhe, kulandzela imihlangano netintfo.

⁴² Niyati kutsi ngicabangani ngalabantfu laba, kutsi bavelaphi na? Ngicabanga ngemaHebheru, sahluko se 11, “Basahwa behlukaniswa ekhatsi, futsi bazulazula bembetse sikhumba setimbuti nesikhumba semvu, labo umhlaba wawungakabafaneli.” Bonkhe betfwala bufakazi babo.

⁴³ Tom Simpson, uphi Tom? Ngabe utile? Bengicabanga kutsi ngiyibonile imoto yakhe ngephandle lapha. Yena nemndeni wakhe, bengicabanga kutsi bekalapha. Mhlawumbe

bengineliphutsa. Yebo. Anjombita njengelusinga nakudla imfishi ngephandle lapho, “cumbu-cumbu,” kanjalo. Kulungile.

⁴⁴ INkhosi inibusise nonkhe. Siyajabula kuba lapha. Naba labanye baseGeorgia, tindzawo letehlukene. Futsi siyajabula kutsi nonkhe nilapha, nekuhlangana, kwebangani betfu labadzala.

⁴⁵ Ngabe ngibuka Dzadze Peckinpaugh wase Chicago? Ngacabanga kutsi bengibuka yena. Futsi Dzadze Little, futsi edvute naye, na-naDzadze D'Amico, labaligugu, bantfu labatsandzekako baseChicago, lelocembu lebesifazane lebelitsandzeka kakhulu kimi.

⁴⁶ Nalabanye labahleti lapha. Lomnaketfu, angikhoni ngisho kubita ligama lakhe, futsi kusukela entasi eGeorgia ndzawanatsite. Ngi... Konkhe loko, o, hhe, sebatsite nje kutsi gozololo lapha. Siyajabula kuba kulenhanganyelo.

⁴⁷ UMnaketfu Bosworth lomdzala bekavamise kungitjela, watsi, “Mnaketfu Branham, uyati kutsi inhlanganyelo iyini?”

Ngatsi, “Ngicabanga kanjalo.”

⁴⁸ Watsi, “Bafo lababili ekhatsi emkhunjini munye nje.” Ngako nako lapho sikhoni, kodvwa sinenhanganyelo. INkhosi ibe nemusa kini.

⁴⁹ Ngiyabonga ngako konkhe loko lenikwentile. Futsi ngitobeka lesinye saleti, kulomhlangano, phansi eluhlwini lwami, njengaletinye timphawu letibovu tetinsuku tami tenkonzo, ngelubambiswano lwenu loluhle, labanaketfu nabodzadze labakahle, nawo wonkhe umuntfu lowemukelako kakhulu. Ngitivela kwangatsi nje ngisekhaya, ngishumayele ngize ngitishise livi.

⁵⁰ Manje, uMnaketfu Ned Iverson utochuba letinkonzo emvakwami, entasi ka—kaColumbia, entasi neMnaketfu Bigbee. Mnaketfu Ned, ngabe ukhona, kusihlwa? Angati noma... Yebo, emuva ngemuva. IPresbyterian, legcwaliswe ngaMoya loNgcwele. Uh-huh.

⁵¹ Futsi Dkt. Lee Vayle nemkakhe, labaligugu, bangani bami labatsandzekako. UMnaketfu Vayle usebentile nami emhlanganweni, umngani loligugu. Ngiyacabanga lamadvodza lawa onkhe etfuliwe netintifo. Ngabe ukhona, Mnaketfu Vayle? Ngabe ukhona lakulesakhiwo, kusihlwa? Emuva lengemuva. INkhosi ikubusise. Dzadze Vayle, ukuphi? Angikho ngetulu kwekutsi nginijikitisele sandla. Nkulunkulu akubusise, dzadze. Sijabula kakhulu kuba nabo bonkhe lapha.

⁵² Futsi nonkhe ningikhulekele manje. Futsi nje ngichubekela embili ngekukholwa, ngikholwa kutsi, cishe impela noma ngasiphi sikhatsi, singahle sibone kuBuya kweNkhosi. Angati nje kutsi kanjani, kutsi nini, kuphi, kodvwa ngifuna kulungela uma Efika. Futsingaletinye tikhatsi ngingahle ngicabange

kutsi kungahle kube ngalendlela, futsi kungahle kube ngalenye indlela. Kodvwa, nomakunjalo, ngifuna kuba lapho uma Efika. Ngifuna kuhamba naYe. Manje, lelo liphupho lami. Futsi akusiko kuphela kutsi ngifuna kuhamba; ngifuna bonkhe bangani bami, futsi ngifuna tonkhe titsa tami, kutsi tihambe, nato. Ngifuna wonkhe umuntfu ahambe.

⁵³ Ngaba nembono lomncane, noma, angifuni kuwubita ngekuhlwitfwa. Angikaze ngibe nembono lonjalo. Bengime etulu lapho ngiwubuka, ngitibuka mine lucobo, lapha kungesikadzeni nje. Labanengi benu bakufundza emaphephabhukwini netintfo. Bangani, ni—ningeke nakhona kugeja loko. Ningakwenti nje.

⁵⁴ Manje, kukhona ndzawanatsite lapho. Ngangilapho njengoba nje ngilapha, ngitibuka mine. Ngibenemibono. Ngiyati kutsi imibono iyini. Uma loko kwakungumbo, kwakungulongakejwayeleki kakhulu lengake ngaba nawo. Futsi ngibabonile bantfu, labo losewashona. Ngibabonile lapho. Lomdzala bekamusha. Futsi bebeme lapho, tidalwa letibantu njengoba nginjalo nje, ngaphandle kwesono nje. Kwakungale kwekuphelela. Kugcamile! Be—bewungeke nje usho kutsi kwakuyini.

⁵⁵ Futsi ngesikhatsi ngati kutsi ngangifanele salengibuya emuva, kwakunentfo yinye kuphela, kutsi, ngitobuya, kutama kuncenga bantfu. Nomayini leniyentako, ningakugeji. Ningakugeji. Ningakugeji. Ningeke nikhone kukugeja. Yonkhe lenye intfo, akutsi yonkhe lenye intfo ihambe, kodvwa kulungeleni loko, niyabona, nomayini leniyentako.

⁵⁶ Ngitobe ngiya emasimini etimishini manje, uma iNkhosi itsandza, kulobusika lobi, uma sengibuya ngiphuma kulamahambo, ngako banini semkhulekweni ngami. Ngoba, naku kulula, kanye ngesikhatsi ubona umoya longcolile ungena enkonzweni futsi utame kuphazamisa. Kodvwa kuletotindzawo, labo tinyanga-batsakatsi nabodeveli. Kuncono wati kutsi ukhulumu ngani. Impela ube nako. Ngoba, bangemadimon, futsi bakuphonsela insayeya phansi ngco. Kodvwa, o, kanjani, hhayi nakanye... Ngikusho ngesandla sami silapha eBhayibhelini lami. Hhayi nakanye, futsi niyati ningacabanga nje kutsi kukangakhi emhlabeni jikelele kuphonselwa insayeya, kodvwa loko Nkulunkulu wangena esigcawini futsi wadzabula emakhethini wawavula, futsi watikhombisa Yena lucobo, Nkulunkulu, ngalokufananako nje njengoba Bekanjalo esikhatsini sa-Eliya. Usasolo anguNkulunkulu. Ya. Hhayi nakanye. Kungalesosizatfu ngi...

⁵⁷ Labanye benu, labanye bafundisi, beta bangicele kutsi ngite etindzaweni tabo. Ngiyalindza ngize ngive ngiholeleka kutsi ngyiye. Khona-ke uma ngita, ngita nje ngeligama lami, uma ngita kanjalo, kutsi ngibe ngumngani wakho nje. Kodvwa uma ngiva ngiholeleka kutsi ngite, khona-ke ngingeta eGameni

leNkhosi Jesu. Susa tinyawo takho kuleyondiza, ingeyami. Amen. Ngikutsatsa konkhe ngikuyise ngale, eGameni laJesu Khristu. Khona-ke utohlangana naYe ngephandle lapho ke, ngoba ulincusa laNkulunkulu ngalesosikhatsi. Kodvwa manje, uma libandla lelitsite likutfuma, noma, lomunye umngani lotsite uyakubita, lokutsite, uyahamba nje, uyaticabangela futsi. Hhe, kuticabangela! Ngiyacabanga senikhatsele kulalela loyo.

⁵⁸ Manje asivule eBhayibhelini lelidzala lelinemusa. Futsi ngaphambi kwekutsi sente loko, asesikhuleke. Niyabona, siyacoca, na—nalokunye nalokunye, futsi manje ake sibeke imicondvo yetfu kuYe manje kwemizuzu lembalwa lelandzelako.

⁵⁹ Babe wetfu loseZulwini, besibonga bantfu ngemusa wabo, nekwabo lokukhulu, kutivela kwelutsandvo kitsi, nekutsi sibatfokotela kanjani. Futsi manje, Babe, sifuna kuKubonga, ngetulu kwako konkhe, ngoba nguWe, Nkhosi, lowente loku. NguWe losibusisile futsi wasenta sihlale ndzawonye etindzaweni taseZulwini kuKhristu. Sathane bekayophatamiseka futsi—futsi wayona inkonzo yetfu. Kodvwa Usitsandzile nje kahle kakhulu, Uze nje usivumele sonkhe sibutsane ndzawonye futsi sibe nenhlanguyelo ngaseVini. Futsi sikutfokotela kakhulu, Nkulunkulu. Naloku nje kusha livi kancane ekukhandlekemi kweliphimbo, Nkhosi, benginesikhatsi lesihle kakhulu nje, ngiva uMoya waKho ubusisa umphefumulo wami. Livi, lingafuni nje kwasantfo, ligeleta nje njengemifula, ngize nje ngihlale phansi. Nkulunkulu, ngibonga kakhulu ngaloko.

⁶⁰ Futsi kwangatsi uMnaketfu Parker, nato tonkhe tisebenti takhe, nalendzawo lesimemile, Nkhosi, kwangatsi bangabusiswa. Baphe tinkhulungwane temiphefumulo. Beve, uma bakhulekela labagulako. Vani imikhuleko yabo, Nkhosi, futsi uphilise labagulako. Futsi uma batama kwenta lokutsite eGameni laKho, kuhloniphe, Nkhosi. Baphe sitselo saMoya. Ne... Futsi baphe sifiso lesikhulu senhlitiyo yabo, Nkhosi, imiphefumulo yabo ekucashweni. Kwangatsi, ngaloloSuku uma sima lapho embikwaKho, kwangatsi imiphefumulo ingavela ndzawo tonkhe, baphonsa imikhono yabo ngakuleligugu, indvodza lemesabako nkulunkulu neludvondvolo lwayo, "Kube bewungakahlali ensimini, uMnaketfu Parker, besingeke sibe lapha." O Nkulunkulu, siyati kutsi leso sifiso lesicotfo sanoma nguyiphi inceku yaKhristu yeliciniso, bati kutsi bangahola labaphuyile, tidalwa letibantfu letilahlekile kuKhristu losindzisako. NgiyaKubonga ngako konkhe.

⁶¹ Futsi manje, Nkhosi, siyakhuleka manje kutsi Utobusisa ngamunye. Futsi ubusise lemihlangano letako, yonkhe indzawo. Hamba nalolonkhe likhaya. Bani nabo njengoba sisuka, kusihlwa, kutsi siye emakhaya etfu lehlukene. Bani natsi emgwacwensi. Hlala esondvweni. Susa sitsa kitsi, Nkhosi. Futsi ngikhulekela kutsi Utosipha letintfo leti.

⁶² Manje siphe sifiso setinhlitiyo tetfu, sonkhe sicelo, kusihlwa. Nekwami kutsi, Nkhosi, kutsi Utosihlephulela Sinkhwa sekuPhila futsi, kusihlwa. Ukhona lapha longakasindzisa, basindzise. Noma ngukumuphi lodzinga Moya loyiNgcwele embhabhatisweni, kwangatsi Angeta kusihlwa. Noma ngumuphi logulako; baphilise. Nomangumuphi lokhatsele; baphe kujabula. Siphe kona, Nkhosi. Busisa Livi laKho manje sisaLifundza, futsi kwangatsi uMbhali angasinika ingcikitsi. Sicela eGameni laJesu. Amen.

⁶³ Johane loNgcwele, sahluko 1, 35 kuya ku 41, njengekufundza lamaVi laligugu.

Futsi *ngelusuku lolulandzelako emvakwekuba Jesu emile, futsi lababili bebafundzi bakhe;... (Ngiyacolisa.)...emvakwekuba Johane emile, nalababili bebafundzi bakhe;*

Futsi abuka kuJesu lapho asahamba, watsi, Bukani liWundlu laNkulunkulu!

Nebafundzi lababili, labafundzi lababili bamuva akhuluma, futsi balandzela Jesu.

Wase-ke Jesu uyajika, futsi wababona balandzela, wase utsi kubo, Nifunani na? Batsi kuye, Rabi, (lokukutsi, ngekuhunyushwa, Nkhosi,) uhlalaphi wena?

Watsi kubo, Wotani nibone. Futsi befika futsi babona lapho bekaahlala khona, futsi bahlala naye ngalolosuku: ngoba kwakucishe kube li-awa lelishumi.

Lomunye walaba lababili labeva Jesu noma...Johane akhuluma, futsi wamlandzela, bekungu-Andreya, umnakaboSimoni Phetro.

Kucala utfola umnakabo lucobo Simoni, wase utsi kuye, Sitfole Mesiya, lokukutsi, uhunyushwa ngekutsi, nguKhristu.

Futsi wamletsa kuJesu. Futsi ngesikhatsi Jesu ambuka, watsi, Wena unguSimoni indvodzana yaJona: utawubitwa ngaKhefase, lokukutsi ngekuhunyushwa, Litje.

⁶⁴ Manje kwangatsi Nkulunkulu angeneta tibusiso taKhe kuleLivi. Manje, ngifuna kudvonsa, kusihlwa, uma iNkhosi itsandza, kwalelincane, kwe—kwelivi, emagama lamabili lengifuna kuwasebentisa lapho. Lamagama lamabili lengifuna kuwasebentisa ku “tihlupha” ne “kugculiseka.”

⁶⁵ Manje, njengoba sati, futsi sonkhe siyati, kutsi manje sibona kuphola lokukhulu, etiveni tonkhe. Nangicala kuphuma, kwakunencumbi yebumengemenge emhlanganweni. Bantfu bebasemihlanganweni yemkhuleko, ndzawo tonkhe. Bagceka, emaphepha angigceka. Wesifazane munye washayela emamayela latinkhulungwane letintsaftu asematekisi, kutsi nje afinyelele

enkonzweni eCanada. Abasenako loko kutihlupha. Kubonakala kwangatsi sekube nekuhlubuka. Futsi kubonakala kwangatsi akukho lokunengi kangako kutihlupha, akusiko kangako, empeleni, akusesiko njengoba bebafanele babenjalo. Kuncane kakhulu nje kutihlupha.

⁶⁶ Manje, cishe kutihlupha kuphela lesinako, akusesito letinkonzo tebusuku bonkhe. Ngesikhatsi, ngi—ngihleti ngembili kanye tinsuku letisiphohlongo nebusuku, ngaphandle kwekushiya, ngitama kukhulekela bonkhe bantfu. Futsi ekugcineni, kwakunebantfu labatinkhulungwane letingemashumi lamane nentfo labalindzele kukhulekelwa. Niyabona na? Bebaneke bakwente. Kodvwa bayotsatsa licembu ngalendlela, futsi bangene emahlatsini; bayotsatsa licembu ngalendlela, baye emahlatsini; bafundisi bakhulekela bantfu bendlule embhabhatisweni waMoya loNgcwele. Bebangakhoni nje kuphumula baze bemukele Moya loNgcwele.

⁶⁷ Ngiyacolisa. Ngitsite tinkhulungwane letingemashumi lamane nakubili. Ngiyaholwa, naningabuka ephephabhukwini, kwakunetinkhulungwane letingemashumi lamabili nesiphohlongo, kwakungito, lebebasolo balindzile. Emamayela kutungeleta iJonesburg, kwakungekho ngisho nendzawo lobewungayicasha. Nemadoloha emathende agcwele, nayo yonkhe intfo. Abasenako loko kutihlupha nhlobo. Niyabona na? Imililo yemvuselelo iyacisha.

⁶⁸ Kutihlupha, manje kutsi, “Wota nje ujoyine libandla.” Noma, kutihlupha lokukhulu kutsi, “Kwesekela imishini letsite yemsakato, noma lolunye ludzaba lwamabonakudze, futsi akwente kube luhlobo lolutsite lwembukiso,” futsi kwa—kwalokuhle, kusobala, impela. Takhiwo letinkhulu, kwakha tikolwa letinkhulu, nalokunye nalokunye, kanjalo. Kubonakala kwangatsi loko nguloku—ngulokutihlupha manje. Atsite kulahlekelwa ngumbono walowo mkhuleko futsi nekuphocelela, futsi njengoba bebamise kuba nawo. Kukhona lokwentekile. Ngitsanza nje kwati kutsi kwakuyini. Futsi manje ababonakali batihlupha ngabo.

⁶⁹ Ungavakashela *lelibandla*, noma ubite bantfu kutsi bete e-altari, futsi kwakuvamisile kutsi nje bagijimele e-altari. Futsi ngisibonile sikhatsi ngesikhatsi ngisashumayela, ngaphambi kwekutsi ngisho ngitfole inshumayelo yami kutsi iphele, i-altari nasetulu etikhaleni tetitulo tatitobe tilayine bantfu. Ngisibonile sikhatsi lapho Moya loyiNgcwele abephumela etetsamelini, futsi—futsi asho kungakenteki futsi atjele umuntfu lokutsite, nebantfu bebamangala futsi nje baculeke esitulweni sabo ngco.

Kukhona lokungalungi ndzawanatsite.

⁷⁰ Ngisenta intfo lefanako. Solo kuliVangeli lelifanako. Angikaze ngintjintje nakancane kusukela ngacula. Ngisandza kucala nje ngalelingakambatsiswa, Livi laNkulunkulu

lelisebaleni, futsi ngahlala kuLo ngco, kusukela lapho. Iminyaka lengemashumi lamatsatfu nakubili bengisolo ngisemvakwepulpiti, futsi ngingabuyisi lutfo noma ngintjintje noma yini; ngikusho ngendlela nje lengacala ngayo. Ngingeke ngilibuyisele emuva. LiLivi laNkulunkulu. Futsi—futsi uma ngiLisho njengoba nje Lishiwo *lapha*, ngesikhatsi lesilandzelako ngifanele ngisho intfo lefanako, ngoba *Nayi* indlela Lelibhalwe ngayo lapha. Niyabona na? Ngako, ngeke nje ngenta lutfo lolunye ngaLo. NaMoya loyiNgewelete solo wenta intfo lefanako.

⁷¹ Ngako, kodvwa kubukeka kwangatsi akukho kutihlupha lokwenele. Manje ngi... angati kutsi kungani, kungani kungekho kutihlupha njengoba kwakuvamise kubakhona na? Kukutsi, ngiyasikhola wa sizatfu sekutsi uma kungekho kutihlupha lokunengi kangako lokwakuvamise kuba khona, abakagculiseki njengoba bebabamise kubanjalo. Ufanele ugculiseke ngaphambi kwekutsi utihluphe.

⁷² Nawungakatihluphi, tsatsa sikhatsi manje, esikhundleni sekuvangela futsi utame kwenta lokutsite, wonkhe umuntfu ufunwa sikolwa lesikhulu kakhulu, noma intfo lenkhulu kakhulu labangayifundzisa, futsi—futsi bente bashumayeli babenetindlela letincono tekutiphatsa epulpiti nakanjalonjalo.

⁷³ Niyati kutsi yini lengiyikholwako? Ngikholwa kutsi bantfu abakagculiseki kutsi Jesu uyeta masinyane. Angikholwa kutsi bagculisekile kutsi Uyeta kulomnyaka. Futsi ngikholwa kutsi kungalesosizatfu bangakatihluphi, ngoba abakagculiseki ngalokugcwele. Kunjalo. Abakagculiseki kutsi Ukanye nabo. Kube bebagculisekile, bebatobuyela eVini. Kunjalo. Futsi manje bantfu labanengi bangahle bangakucondzisisi kahle.

⁷⁴ Lutsandvo, lutsandvo lu—luyekhuta. Ufanele ubakhute bantfu, uma ubatsandza. Uma intfombatanyana yakho beyihleti ngephandle ekhatsi emgwacweni, njengoba ngishito manje ekuseni, yenta emakhekhe eludzaka; uma uyitsandza sibili, utoysisusa kulowomgwaco.

⁷⁵ Kube—ke umkakho utsite... John *Lotsite*, nomangabe ngubani ligama lakho, niyati, ake nje umyekele agijime nalenye indvodza, ngoba watsi, “Busisa inhlitiyo yakhe lencane! Ufuna kukwenta. Futsi ngiyamtsandza nje kakhulu, ngitomvumela akwente.” Bewungaba lihlazo nje lemyeni. Ufanele akulahle, bese utfola umuntfu lomtsandzako, lotomnakekela. Beningakakucondzi ngaleyondlela, ngoba ungeke ukwente loko.

⁷⁶ Kodvwa yini lengitama kufinyelela kuyo? Ngabe loku, loko, kube—ke Nkulunkulu bekatsite ku-Eva, “Eva lomncane tatane. Uyati, ungumntfwana waMi. Ngi—ngi—ngi... Bewungakacondzi kwenta loko”? Kusobala, bekangakacondzi kukwenta. Impela, akazange. Kodvwa wakwenta. Futsi siyati kutsi wakwenta. Sibona imiphumela yako namanje. Kodvwa,

niyabona, Be—Bekamtsandza, futsi Wa—Wadzingeka aligcine Livi laKhe kuye.

⁷⁷ NaNkulunkulu utofanele aligcine Livi laKhe kitsi, ngako sifanele sililalele Livi laKhe. Futsi uma silalela Livi laKhe, futsi siMbone acinisekisa loko Latsi Uyokwenta, khona-ke sigculisekile, kunjalo, kutsi Livi licinisile. Manje, uma sitfola, siletsha . . .

⁷⁸ Lapha kungesiko kadzeni, lomvangeli lomkhulu wakaMohamede, nikufundzile ephepheni, njengoba ngentile nami. LowakaMohamede waphonsela insayeya lowomvangeli, kutsi, “Jesu Khristu bekakukhontwa kwemuntfu; kutsi bantfu bebalandzela umuntfu.” Bekakholelwa kuNkulunkulu lofanako lomvangeli bekamkhonta, kodvwa watsi, “Jesu akasiyo iNDvodzana yaKhe. Kukukhonta lokwentiwe ngumuntfu nje.” Futsi lomva . . . Waphonsela insayeya lomvangeli, watsi, “Li—liBhayibheli lasho kutsi lemisebenti Layenta, Khristu, balandzeli baKhe batokwenta lokufanako.” Watsi, “Manje, ngitongenisa bantfu labangemashumi lamatsatfu labagulako, futsi ningenise bantfu labangemashumi lamatsatfu labagulako, futsi ngitophilisa wonkhe lenimphilisako.” Niyabona na? Nalomvangeli wagijima. Wadvonsa umoya.

⁷⁹ Futsi kube bengingulomvangeli, ngiyakholwa, kube bengingenako kukholwa lokwenele kutsi ngikwente, bengingeke ngimvumele loyo longakholwa eme lapho. Bengiyotsi, “Ngati umuntfu lotsite etindzaweni tetfu lonekukholwa kukwenta.”

⁸⁰ Ngani na? Ufanele ugculiseke, kucala, kutsi nguNkulunkulu, khona-ke uyati lapho ume khona. Kuliciniso. Kugculiseka, kucala, khona-ke nitfola kutihlupha. Naloku bantfu batisho kutsi Nkulunkulu ukanye nabo, kodvwa ba . . . Akusiko konkhe . . . Make bekavamise kutsi, “Tento sikhulumu kakhulu kunemavi.” Impela, kuyakwenta. Ufanele ukwente, ukukholwe, ugculiseke, bese-ke utawutihlupha.

⁸¹ Jesu watsi, “Uma uNgitsandza, yondla timvu taMi.” Manje, ngulapho la ngicabanga kutsi sehluleke khona kakhulu, kondla timvu taKhe. “Uma uNgitsandza, yondla timvu taMi.” Namuhla, kucishe impela, “Hhula timvu tami.” Bangenise endzaweni letsite futsi utsatse yonkhe intfo lebanayo, futsi ubente betsembise ngelikhaya labo, nato tonkhe timpenisheli tekuguga kwabo, nako konkhe lokunye. Ukhulumu ngekuhhula! Jesu akazange sekakusho loko.

UMnaketfu Parker utsite, manje ekuseni, “Nkulunkulu uyabatsandza bantfu baKhe.”

⁸² Uyatitsandza timvu taKhe. Watsi, “Tondle.” Netimvu tifanele tibe neKudla kwetimvu. Futsi Akazange sekatsi, “Nifundzise timvu taMi.” Watsi, “Nitondle,” hhayi kutifundzisa. “Tondle. Tiphe Kudla kwetimvu.”

⁸³ Yini Kudla kwetimvu? Sinkhwa sekuPhila. Jesu uSinkhwa sekuPhila, liVangeli, liCiniso. ULishumayele ngaphandle kwekuncemphetisa. Khona-ke uyati kutsi uma utofanele uphendvule ngeluSuku lekwaHluelwa ngemphefumulo wabo, njengemfundisi weliVangeli ungema bese utsi, “Nguloko lokwakubhalwe eVini.” “Tondle ngeliCiniso. Yondla timvu taMi.”

⁸⁴ Ngesikhatsi Johane atihluphe kakhulu, kutsi bekati kutsi Mesiya beketa emnyakeni wakhe. Johane umBhabhatisi bekakwati loko, ngako bekati kutsi Mesiya uyofika kulomnyaka lebekaphila kuwo. Kodvwa ngesikhatsi aphuma ehlane, akazange acale tikolwa. Akazange acale emakolishi. Akazange sekacale tinhlangano. Ngani na? Bekagculisekile kutsi Mesiya bekatofika ngesikhatsi sakhe. Kudla kwaKhe, uMlayeto wakhe, sento sakhe, waniketa bufakazi ngako.

⁸⁵ Natsi siyakholwa kutsi UtoFika kulomnyaka lona. Kungani sifuna kucokelela intfo lenkhulu pho? Kungani sifuna kwenta, sakha tikolwa tetigidzi temadola netakhiwo, bese-ke sitsi Jesu uyabuya? Ngani, sive sati kancono kunaloko. Bayati kutsi ukhulumta ngentfo letsite longayikholwa kwanawwe. Senta loko lesikushumayelako. Kunjalo. Manje sifanele sikhente loko.

⁸⁶ Johane bekaciniseke kakhulu. Ngesikhatsi atalwa, bekati kutsi watalwa ngekutalwa lokuyincaba.

⁸⁷ Sonkhe siyati kutsi Zakhariya wayibona kanjani iNgelosi. Futsi loko kufanele kutsi kwakubumatima kuletitsandzani letindzala. Zakhariya bekayindvodza leseyikhulile, na-Elizabethi bekanguwesifazane losakhulile, kodvwa bebakholiwe kutsi—kutsi Nkulunkulu bekatofika ngalelinye lilanga abanike luswane. Bekayinyumba. Futsi siyati ngesikhatsi Johane atalwa, kutilwa lokungakejwayeleki, futsi ati kutsi bekatoba yinceku yaNkulunkulu, kufanele kutsi kwakulukhuni kuletitsandzani letindzala. Ngoba betati, ngekxesikhatsi sekuphila, bebaneke baphile kutsi babone lowomfana eta enkonzweni yakhe.

⁸⁸ Nababe waJohane bekangumphristi. Kodvwa esikhundleni sakhe, ngalolo lubito, ehlela kusemina lapho uyise aphuma khona, bekangeke ehlele lapho. Bekangeke atsatse litfuba kuko. Bekangeke nje ahlangane nako. Ngoba, ukubonile loko, emBhalweni, bekatoba, “liphimbo lalomemeta ehlane.” Wabona kutsi bekatoba, “Sitfunywa lesitohamba embikwaMesiya.” Futsi ufanele aciniseke ngako. Futsi walindza ehlane waze wagculiseka, wase-ke uyatihlupha. Bekagculisekile. Bekafuna ku—bekafuna kuhlala. Bekaciniseke kakhulu ngako, kutsi bekatobona Jesu, waze washo loku, “Lapho, Ume emkhatsini wenu manje. Kukhona Munye emkhatsini wenu, Leningamati.” O, ngiyakutsandza loko!

⁸⁹ Kukhona Munye emkhatsini wetfu, kusihlwa, kodvwa ngiyajabula kutsi siyaMati. Futsi ngikhholwa kutsi NguYe

lofakazako. Moya loyiNgewe lomkhulu uyafakaza kutsi Jesu uyabuya masinyane, ngoba kuhambisana neLivi, nato tonkhe tibonakaliso tigewaliseka. Sisesikhatsini sekugcina.

⁹⁰ Bekangafuni kukhuluma ngaYe, ente liphutsa, ngako wahlala ehlane waze wagculiseka kutsi bekatokwati kutsi Mesiya bekayini. Futsi Nkulunkulu wamtjela kutsi hloba luni lwesibonakaliso lafanele alubuke, uma abona Mesiya. Ngako ngesikhatsi aMbona, futsi wabona lesibonakaliso lebesifanele kuMlandzela, wagculiseka kutsi lowo kwakunguYe. Watsi, "Ngiyafakaza kutsi lowo nguYe." Ngoba, Nkulunkulu, Lobekamtjelile, futsi wamtjela ngaphambilii ngemprofethi, iminyaka lengemakhulu lasikhombisa nelishumi nakubili angakatalwa, "Bekaliphimbo lalomemeta ehlane, 'Lungisani indlela yeNkhosi, futsi nicondzise indlela yaYo.'" Futsi loNkulunkulu lobekamgcobe ngaphambilii, futsi wammisela ngaphambilii kulomsebenti, walinda kuloyoNkulunkulu waze weva kulowoNkulunkulu. Amen. Ngesikhatsi lowoNkulunkulu amtjela kutsi kwakutokwentekani, wagculiseka. Ngesikhatsi abona lesosibonakaliso, watsi, "NaNguya." Amen.

⁹¹ Uma besingaba cotfo kangako nje! Kube besitolindza e-altari, singatfoli luhlobo lolutsite nje lweikutivela lokuncane futsi sigcume siyetulu futsi sigijime, kodvwa sihlale lapho. Akunandzaba kutsi kwentekani, hlala lapho uze ugculiseke ngalokuphelele ngemandla ekuvuka kwaKhe, kutsi Moya loNgewe le ukubamble futsi ukubamble, futsi usidalwa lesisha kuKhristu. Hlala lapho uze ufe bese uyavuka futsi, khona-ke ungeke uye emantini ungumzenzisi. Utokuya lapho, futsi uyati kutsi Wa—Wakufela, futsi wafa kanye naYe. Manje ueyehla, kutsi uvuswe kanye naYe futsi; ukhombie umhlabla kutsi uyakholwa kutsi Yena wafa waphindze wavuka futsi, futsi ufile naYe, futsi sewuvele uvukile futsi. Futsi manje nitohlala etindzaweni taseZulwini, nidla Kudla kwetimvu. Kunjalo.

⁹² Andreya, lona lomkhulu lesikhuluma ngaye, umnakaboSimoni, wahlala busuku bonkhe, waze wagculiseka. Lapho asahamba elusentseni, Johane, lomprofethi lomkhulu bekasolo atsi, "Ukhona Munye! Sikhatsi sesisondzele. Nonkhe nine titukulwane tetinyoka etjanini, ningacabangi kutsi, 'Mine ngiwaleli, futsi ngiwalela. Sina-Abrahama longubabe wetfu.' Ngitonitjela, Nkulunkulu angamvusela Abrahama bantfwana kulamatje lawa." O, bekabele nje lapho, lizembe emphandzeni yesihlahla.

⁹³ Niyabona, Johane bekayindvodza yasehlane. Bukani kutsi bekakhuluma ngani: emazembe, tihlahla, tinyoka. Niyabona na? Nguloko lebekakwejwayele, ngephandle lapho ehlane. Wase utsi, "Lizembe libekiwe emphandzeni yesihlahla, futsi sonkhe sihlahla lesingatseli sitselo lesihle sitolahlw sishiswe phansi futsi sishiswe." Kushaya lizembe esihlahleni; lijuba tinhloko tetinyoka, nayo yonkhe intfo. Bekangumuntfu wasehlane.

⁹⁴ Akumangalisi Jesu atsi, “Naphuma kuyobonani na?” Leso *Sibusiso lesikhulu Lesikhohlwakele*, njengoba ngashumayela ngako. Ngesikhatsi Ahamba awela ligcuma, bafundzi baJohane batsi. “Naphuma kuyobonani, umuntfu agcoke timphahla letinhle na?” Watsi, “Ngulolohlobo labayolubita nga, ‘Dokotela, babe longcwele.’ Futsi bagcoka timphahla letitsambile. Bacabuza tinswane, futsi bashadise la—labasha, bese bangewaba labadzala. Uphatsa umukhwa we-pheni.” Beyingati ini indvodza lenjalo mayelana neNkemba lebanjwa ngetandla totimbili lephumela ekhaleni lemphi na? “Ngabe naphuma kuyobona yinye na?”

⁹⁵ Labanye batsi, “Khona-ke ngabe naya kuyobona umhlanga lonyakatiswa ngunoma ngumuphi umoya, noma nguliphi licembu lelincane lelingafika, likugucule usuke *kuloko* uye *kuloko*, *naloko* uye *kuloko* na?” Hhay Johane. Bekagculisekile. Be—bekati kutsi bekahlalaphi. Bekayati indzawo yakhe. Bekangachachateli Johane lapho. Cha, cha.

⁹⁶ Watsi, “Naya kuyobonani ke, umprofethi?” Watsi, “Futsi ngitsi kini, lomkhulu kunemprofethi. Ungetulu kwemprofethi.”

⁹⁷ Ngako Johane wagculiseka, futsi wacala kushumayela. Na-Andreya bekasolo atsamela letinkonzo. Futsi ngako ngesikhatsi Jesu endlula lapho, na-Andreya nalomunye umfundzi bekalapho, naJohane wakhomba ngephandle, futsi watsi, “Bukani liWundlu laNkulunkulu lelisusa sono selive.” Futsi baMlandzela.

⁹⁸ Ngiyakutsanza loko. Ngifisa kwangatsi bengingaba nalowomfutfo lomkhulu ekushumayeleni kwami. Uma ngitsi, “Bukani liWundlu laNkulunkulu lelisusa sono selive,” futsi wonkhe umuntfu bekatofuta Yena. Hhe! Ake ngi... .

“NgiMtfolaphi, Mnaketfu Branham?” Ngingakukhombisa.

⁹⁹ Kungesiko kadzeni, ngangisemhlanganweni wemaDvodza labosomaBhizinisi. Futsi ngangishumayela eWest Coast. Futsi kwakukhona lomunye umfo lowenyukela kimi, wase utsi, “Awusho, awusuye yini umshumayeli?”

Ngatsi, “Yebo, mnumzane.”

Watsi, “Wentani nalabosomabhizinisi na?”

Ngatsi, “Ngingusomabhizinisi.”

Wase utsi, “Nhloboni yebhizinisi lokuyo?”

Ngatsi, “Ibhizinisi lesiciniseko.”

Watsi, “Hloboluni lwemshwalensi?”

Ngatsi, “Siciniseko.”

Watsi, “Iluhlobo luni?”

¹⁰⁰ Ngatsi, “Siciniseko lesibusisiwe, Jesu ungewami.” Ngatsi, “Uma ufunu kuba nemgomo wayo, ngingatsanza kucoca ngako nawe.”

¹⁰¹ Umngani wami, uMnumz. Snyder, umfana loligugu, wenyukela endlini yami. Futsi ngamati ngesikhatsi ngisengumfo lomncane, futsi saya esikolwени ndzawonye. Watsi, “Billy, ngitsandza kukutsengisela umshwalensi.”

¹⁰² Yebo-ke, nganginale sivumelwano sawo lesasentiwe kimi sangasebenti ngalesinye sikhatsi, ngemshwalensi, futsi angiphindzanga ngiwutsatse. Ngako watsi... Ngatsi, “Wilmer, impela ngi—ngitokwenta... njengawe, kodvwa,” ngatsi, “Sengi—sengivele nginaso siciniseko.”

Watsi, “O, unawo?”

¹⁰³ Umkami wangibuka kwangatsi ngangingumzenzisi. Bekati kutsi ngangingenamshwalensi, kodvwa ngatsi, “siciniseko.” Niyabona?

¹⁰⁴ Watsi, “O, ngiyacolisa, Billy.” Watsi, “Ukuyiphi inkapan?”

Ngatsi, “KuPhila lokuphakadze.”

Watsi, “Angikhola kutsi ngake ngeva ngaleyonkapane.”

Ngatsi, “Ufanele.” O, ngigculisekile kutsi kuliciniso. Kunjalo.

¹⁰⁵ Ngako, Johane washumayela wase utsi, “NaNguya, liWundlu laNkulunkulu lelisusa sono selive.”

¹⁰⁶ Uma ngiMbona ahambahamba kuletetsameli, advonse soni, noma umuntfu logulako, futsi akhulume nabo, futsi watu kutsi Lowo nguloNkulunkulu kanye nje. Futsi noma ngubani, bekayokwati noma yini, kwati kutsi bengingeke ngikwente loko. Ngitotsandza kutsi, “Bukani liWundlu laNkulunkulu lelisusa sono selive.”

¹⁰⁷ Ngitsandza bantfu kutsi, batsi, “Ngiyakukholwa. Manje sengiyaphendvuka etonweni tami. Ngiyakholelwa kuJesu Christu.” O, ngiyatsandza kubabona benta loko.

¹⁰⁸ Futsi labafundzi laba besuka ngco balandzela Jesu. Futsi Wacalata. Wabatfola. Futsi Watsi, “Nifunani na?”

¹⁰⁹ Batsi, “Rabi,” ngekuhunyushwa, “Nkhosi, Uhlalakuphi wena?”

¹¹⁰ Watsi, “Wotani nibone.” Manje leso simemo lesimangalisako. “Wotani nibone.” Ngiyakutsandza loko.

¹¹¹ Nguloko Filiphu lakusho kuNathanayeli, ngesikhatsi Nathanayeli atsi, “Kungabakhona yini lokuhle lokuphuma eNazaretha?” Watsi, “Wota ubone.”

¹¹² Ngako-ke, wota, utitfolele. Ungahlali ekhaya futsi ugceke. Wota, utitfole. Uyabona na? “Wota, utibonele wena ngekwakho.”

¹¹³ Manje, batsi kwakusikhatsi sakusihlwa, ngako Andreya wahlala busuku bonkhe. O! Leyo yindlela lenhle. Wahlala waze wagculiseka. Loko uMuntfu lebekamtjele kona ngalobobusuku,

loko Lebekakushito kuye, noma loko Lakwenta, kwakukhona intfo leyagculisa ngalokugcwele Andreya kutsi BekanguMesiya.

¹¹⁴ Ngelusuku lolulandzelako kusesekuseni impela, ngyiacabanga, wadvumela libhantji lakhe nesigcoko, wase uyewuka, ngoba Phetro bekatodweba entasi emfuleni. Wase utsi, "Wota, ubone kutsi Ngubani lesimtfolile. NguMesiya." Wagculiseka. Ngesikhatsi agculiseka ngalokupuhelele kutsi kwakunguMesiya, watihlupha ngalomnakabo.

¹¹⁵ Nguleyo indzaba, kusihlwa. Bantfu abakagculiseki ngeMlayeto. Bantfu abakagculiseki ngaMoya loNgcwele. Uma impela ugculisekile mbamba, khona-ke uyatihlupha. Uyokwenta konkhe longakwenta, kutsi wente noma ngukuphi lofanele ukwente ngako. Utsi, "Yebo-ke, Mnaketfu Branham, angisuye umshumayeli." Yebo-ke, ungenta lokutsite, nawe.

¹¹⁶ Khumbulani ngalesinye sikhatsi ngaba nemhlangano. Kwakunemlimi lowasindziswa futsi wagcwaliswa ngaMoya loNgcwele. Futsi bekangenalutfo ngaphandle kwelwati lwakhe, neloli. Kodvwa labanengi kakhulu wabadvonsela emhlanganweni, wenta labanye labangemashumi lamatsatu bagcwaliswa ngaMoya loNgcwele, ngaphambi kwako...?... Ngani na? Bekagculisekile. Futsi ngesikhatsi sekagculisekile, watihlupha. Indvodzakati lencane yaphiliswa. Sasinebantu labagulako njalo ebusuku, iloli legcwiele bona, sibakhipha kuyo yonkhe indzawo. Emashumi lamatsatfu anaMoya loNgcwele. Niyabona na? bekagculisekile kutsi Kwakuliciniso, ngako watihlupha ngalomunye umuntfu. Futsi si...Uma sigculisekile kutsi Jesu uyeta masinyane, sitawubese siyatihlupha ngalabo labalahlekile betfu. Sitokwenta konkhe lesingakwenta kukhipha leliVangeli.

¹¹⁷ Jakobe wahlala busuku bonkhe, ngalobunye busuku, ashukashukana. Leyonkhosana leshukashukanako, washukashukana busuku bonkhe. Bekakadze adoja Esawu *lapha nalaphaya*. Bakesaba imphosakufa, ngaye. Wase uevya kutsi Esawu beketa. Wabeka umkakhe ngesheya kwemfulana. Wase weweleta ngakulololunye luhangotsi wase ugucha phansi. Niyati, Nkulunkulu wehla futsi wabamba Jakobe, futsi babambana busuku bonkhe. Ngako bebekangagculiseki ngalokugcwele, kwekucala nje. Kodvwa ngesikhatsi Nkulunkulu sekacedzile ngaye, wagculiseka. Yebo. Wahlala futsi wabambelela wate wagculiseka kutsi kwakunguNkulunkulu.

¹¹⁸ Mnaketfu, bekangamesabi Esawu ngalesosikhatsi. Wawela umfula, futsi bekabutsakatsaka futsi achuta. Sikhatsi lesibi kakhulu lebekangaba kuso, kwakubukeka kanjalo. Bebeke—bekangulobutsakatsaka kakhulu kunalake waba ngiko. Bekakadze akhubatekile nayo yonkhe intfo. Kodvwa Esawu

watsi kuye, “Ungangivumela yini kutsi ngitfumele imphi kutsi ikusite na?”

¹¹⁹ Watsi, “Angiludzingi ngisho nelusito.” Ngani na? Bekagculisekile kutsi loNkulunkulu, loyo lebekambambile, angakhona kumnakekela. Haleluya! Uma bantfu bangenta loko nje.

¹²⁰ Uma ungagculiseka nje kutsi loNkulunkulu lombambil, unyakatisa inhlitiyo yakho, ukwenta sidalwa lesisha kuKhristu Jesu. Akutsi kugula, kufa, noma yini lenye ifike, ugculisekile kutsi Angakunakekela kahle kakhulu. Impela. Amen. Ngiyakutsanza loko.

¹²¹ Shamgari, lomfo lomncane lesikhulume ngaye ngalolobunye busuku, bekatihluphile ngemndeni wakhe. Yebo, bekti kutsi bebalambile. NemaFilisti eta, inkhulungwane yawo, ngiyakholwa, emakhulu lasitfupha nentfo. Ngiyakholwa, emakhulu lasitfupha awo enyuka ngemgwaco, emadvodza lahlomile. Bekatihluphile mayelana nemndeni wakhe, ngoba bebatobulawa ngalobo busika. Kodvwa wahlala lapho, acabanga futsi adadisha. Bekangentani na? Wahlala lapho waze wagculiseka kutsi Nkulunkulu uyasigcina setsembiso saKhe.

¹²² Manje, bukani kutsi bekangacabangani. “Manje, lapha, babe wami Abrahama, ngaye lengitfwele emtimbeni wami luhawu lwekusoka, ngenca yekutsi ngikholwa kutsi Abrahama bekangumuntfu waNkulunkulu. Wagculiseka. Washiya likhaya lakhe. Washiya yonkhe intfo lebekanayo, kutsi akhonte Nkulunkulu. Futsi entsabeni ngalolosuku, ngesikhatsi anikela ngesihhanca esikhundleni sa-Isaka, Nkulunkulu watjela Abrahama, ‘Ngoba wente loku, intalo yakho iyoncoba lisango lesitsa.’” Kunjalo. “‘Intalo yakho, Abrahama, ngiyakwetsembisa. Ngiyafunga ngayo.’” Haleluya! O, hhe! Manje ngitiva ngigewala luhholo. “‘Ngiyafunga ngako. Abrahama, intalo yakho iyoncoba lisango lesitsa sayo.’”

Manje Shamgari bekangatsi, “Ngiyintalo ya-Abrahama.” Amen.

¹²³ Futsi uma Shamgari bekangacabanga loko, njengoba ayintalo yemvelo ya-Abrahama, kutsiwani ke kusihlwa, futsi tsine siyiNtalo yaseBukhosini ya-Abrahama? O! Whuu! Nicabanga kutsi ngiyahlanya. Mhlawumbe ngiyahlanya vele. Ngiyekeleni nginje. Ngitiva ngincono ngalendlela kunangesikhatsi nginalomunye umcondvo. Ya. INTalo ya-Abrahama yaseBukhosini! LiBandla laseBukhosini, iNtalo leyetsenjisiwe. Futsi uma intalo yemvelo beyingatsatsa lesosibindzi lesikhulu, yini iNtalo yaseBukhosini lefanele iyente, nge—ngebukhona baMoya loNgewelete ugcoba nje ndzawotonkhe, atikhombisa Yena lucobo na? Whuu! Ludvumo! Impela.

¹²⁴ Shamgari watsi, “Ngiyintalo ya-Abrahama.” Lapho acala kucabanga ngako, “Nkulunkulu watjela Abrahama,

ngiyakukholwa, kutsi intalo yakhe iyoncoba emasango esitsa sayo. Futsi nabo lapho, bamasha bendlula egedeni lami.” Wavele nje wafinyelela etulu, watfola lingedla letinkhabi. Manje, akazangeeme.

¹²⁵ Akazange alindzele kufundza kutsi kuliwa kanjani, noma atsi, “Manje awume umzuzu. NgiyiNtalo yaseBukhosini. Ngiyintalo ya-Abrahama. Ngisokiwe. Ngako, niyati, onkhe lamaFilisti angemachawe lamahle. Bekasolo atilungiselela sikhatsi lesidze. Ngitokuya entasi kusemina futsi ngitfole iPh.D. neL.L.D., futsi ngitofundza kutsi kuliwa kanjani. Ngitofundza ikhathekizimu, nayoyonkhe imitsetfo yelibandla.”

¹²⁶ Kube bekente loko, nguloko kuphela lebekangati lutfo ngako! . . . ? . . . [Libandla litsi, “Impela.”—Umhl.] Bekayokwati loko kuphela, futsi bekangeke akubhacabule. Khona-ke bekangeke acatsaniseke nalesitsa.

¹²⁷ Ungeke ucatsanise sitsa. Ngingeke ngicatsaniseke nasso. Kodvwa ngiyakhumbula ngiphila ngaphansi kwestsembiso, haleluya, loko sekuvele kungemandla akhe lekangetulu kwekucatsaniseka, futsi wancoba, futsi walahlaphansi. “Ngingetulu kwemncobi, njengamanje.” Hhayi mine lucobo, kodvwa ngikuYe Lowangincobela sona, niyabona, naloko kuphila phambili. Ngiyincenyeyenatalo yaseBukhosini ya-Abrahama. Ake ukucabange umzuzu, khona-ke utfola lingedla lakho letinkhabi. Cosha lowodeveli wekungabata akhweshe kuwe. Yebo.

¹²⁸ Watsi, “Ngi . . . Angikhoni kufundza kulwa nibabili.” Uma akwenta, nguloko kuphela lakwatiko kutsi kwentiwa kanjani, kutsi alwe ngababili nje. Nguloko kuphela lebekangakhulumangako.

¹²⁹ Namuhla, nguleyondlela lesitama kukwenta ngayo namuhla. Emadvodza atsi, “Nginelubito emphilweni yami kuba ngumfundisi.”

¹³⁰ “Yebo-ke, manje, ndvodzana, ngitobita umbhishobhi, futsi ngitotfola kutsi ngingeke ngikuvumele uye ngale esikolweni, futsi ungafundza isayensi yengcondvo, futsi ufundze tonkhe letintfo leti. Futsi cishe iminyaka lelishumi kusemina ingahle ikulungise.” Loko kutokwenta, ngalokwenele impela. Kutoyilungisa kute ingabe isaphindze ivuke.

¹³¹ Umehluko lonje pho kunaloko lokungiko, kutfumela umfundisi namuhla, kunalebekuhona eBandleni lekucala. Abalindzanga iminyaka lelishumi. Balindza tinsuku letilishumi. Uma kunitsatsa iminyaka lelishumi kutsi nigculiseke. . . Besi bagculisekile nje etinsukwini letilishumi. Amen. Angahle agculiseke ngesayensi yengcondvo, kodvwa ufanele utfole isayensi yemadvolo. Etinsukwini nje letilishumi, bebagculisekile, base-ke bayatihlupha ngalabanye. Labanye babo bebangkwati ngisho nekusayina ligama labo lucobo.

LiBhayibheli latsi bebangati lutfo futsi bangakafundzi, kodvwa bebagculisekile. Haleluya!

¹³² Anginandzaba mayelana nemfundvo. Ngigculisekile kutsi Jesu Khristu uyiNdvodzana yaNkulunkulu. Ngigculisekile kutsi Lona nguMoya loNgewe. Ngigculisekile kutsi UnguMphilisi. Ngigculisekile kutsi UnguMsindzisi. Ngigculisekile kutsi Uyabuya. Ngigculisekile kutsi *Loku* nguLoko. Ngigculisekile. Ngiyakukholwa.

¹³³ Batsi sebagculisekile. Kukhona lokwenteka. Bebagculisekile, base-ke bayatihlupha emvakwekuba sebagculisekile. Batihlupha ngekumikisa Livi laKhe ngephandle kubo bonkhe lalabanye babo. Leso kwakusibonakaliso leshile sekutsi bebagculisekile: bebatihluphile.

¹³⁴ Bebangenandzaba ngemfundvo, bebangatihluphi ngekutsi ngabe bebangasho yini kutsi “amen” kahle nje. Bebangatihluphi ngekutsi nguyiphi inhlangano lebebabay, noma ke ngabe bebanelikhadi lenhlanganyelo, noma cha. Bebagculisekile kutsi konkhe lebebakudzinga kwakunguYe.

¹³⁵ Futsi ngiyindlela lefanako kusihlwa. Ngigculisekile kutsi konkhe lesikudzingako nguKhristu. Asimdzingi umphatsi-dolobha lomusha. Asidzingi bomengameli labasha. Asidzingi imphi lensha. Asiyidzingi ibhomu lensha. Sidzinga Jesu.

¹³⁶ Nguloko kuphela le-lebebagculiseke ngako. Futsi bakhola futsi kutsi Bekato... Bebagculisekile kutsi Be-Bekatohlangabetana nayo yonkhe intfo lebebayidzinga.

Ngabe sewugculisekile, kusihlwa?

¹³⁷ Utsi, “Ngigculisekile. Akunandzaba kutsi kufikani embikwami, Uyobhekana nako. Akunandzaba kutsi kufikani embikwami, ngigculisekile kutsi Utonginakekela. Watsi Uyokwenta.”

¹³⁸ “Ngitawuba nani, ngibe ngisho kini, kute kube sekupheleni kwemnyaka. Ningakhatsateki ngelikusasa, liyotkhatsalela lona.” Kunjalo, cabangani nje ngelinamuhla. “Uma Nkulunkulu embatsise insimu kanjalo, netjani basensimini, lokukutsi namuhla bukhona, kusasa abusekho; futsi uma Acabange ngalokwenele kutsi akukho ngisho ncedze longawa esitaladini Yena angati lutfo ngaye,” wati kakhulu kangakanani-ke Yena ngetidzingo tetfu?

¹³⁹ Ngigculisekile. Kungalesosizatfu ningangiboni ngicela iminikelo, naloku, lokwa. Ngigculisekile. Uma ngihihala naleLivi leli, Nkulunkulu uyohlala nami. Ngigculisekile. Akudzingeki kutsi kuniketwe. Kuyofika ngandlela tsite. Mine, ngi—ngiyagculiseka nje—nje. Ngiyakukholwa. Ngikholwa lonkhe Livi Lalisho. Ngigculisekile ngaLo. Ngigculisekile kutsi Utohlangabetana nato tonkhe tidzingo lengitidzingako. Ngingeke ngidzingeke ngikhatsateke ngako.

¹⁴⁰ Futsi wagculiseka futsi kutsi bebangadzingi sicuku sesayensi yengcondvo, nato tonkhe leti letinye tintfo, kutsi batitsatse. Bebagculisekile kutsi labo lebeba...bebashumayela kubo, nguloko kuphela lebebakudzinga, bekuyoba nguloko lebebanako.

¹⁴¹ Nguleyo inkinga yako namuhla. Batama kuhlohra letinye tintfo kubo, tivumokholo, netintfo letinjalo. Awukaze ube ngulogculiseke sibili kutsi Moya loNgcwele ucinisile. Nguloko kuphela lengikudzingako. Nguloko kuphela lokudzingako. Nguloko kuphela lomunye umuntfu lakudzingako.

¹⁴² Kwakuse-Africa kungesiko kadzeni. Bebatama kufundzisa labo bantfu entasi lapho, netive. Futsi uma ubaletsa ekubeni ngumuntfu lomhlophe, utsatsa sono semuntfu lomhlophe. Watfola sono sakhe lucobo ngephandle lapho esiveni. Umngenise, utsatsa sono semuntfu lomhlophe, khona-ke ungumntfwana wesihogo ngalokuphindvwe kibili kunaloko bekangiko, kwekucala nje. Yintfo yinye kuphela layidzingako. Udzinga Khristu. Amen.

¹⁴³ Hudson Taylor, ngalesinye sikhatsi. Anikaze nive ngaHudson Taylor, sitfunywa senkholo lesikhulu, eShayina? Kwakukhona umfana lomncane lolliNdiya. Wasindziswa, watsi bekanelubito enkonzweni. Weta wase utsi kuMnumz. Taylor, watsi, "Mnumz. Taylor, ngingayitsatsa yini iminyaka lemene yesayensi yengcondvo," netintfo letehlukene lafanele atente, "futsi kutongitsatsa sikhatsi lesidze kangakanani, ngitfole ticu tami teBhashela ye-Art?"

¹⁴⁴ UMnumz. Taylor watsi kuye, watsi, "Ndvodzana, ungalokotsi ushise li-likhandlela lize lifike ehhafini ungakacali." Cha.

¹⁴⁵ Nguloko lengikucabangako, nami. Ungalindzi kutsi likhandlela lize livutse lifike ehhafini, neluhlobo lolutsite lwekufundza esikolweni lushaye kuwe, luhlobo lolutsite lwekugcobisa sidvumbu. Ungakwenti loko. Kodvwa ngitsi, litsi likhandlela lingokhelwa, cala. Angitami kwesekela kungati, kodvwa naku lengikucondzile. Uma ungati lutfo lolunye, batjele kutsi likhandlela lokhelwa kanjani kuwe. Nguloko kuphela labafanele bakwati. Batjele kutsi yini leyokhela lelikhandlela. Batjele kutsi yini levutsa ekhatsi lapho. Batjele nje kutsi lokhelwa kanjani. Bayekele bokheleke nje, bato-batonakekela konkhe lolokunye kwako. Impela.

¹⁴⁶ Awudzingi kutsi usho, uhambé kulolonkhe luhlobo lwemagama lamakhulu longati lutfo ngako kwekucala nje, futsi akusho lutfo emvakwekuba sewubati. Niyabona na? Batjele nje, "Ludvumo kuNkulunkulu! UMoya loyiNgcwele ungishayile, futsi ngingumuntfu lowehlukile." Batjele kutsi likhandlela lokhelwa kanjani. Ungalindzi lize livutse; khona-ke liyintfutfu

ngalesosikhatsi. Labanengi kakhulu babo namuhla. Batjele nje kutsi lokhelwe kanjani.

¹⁴⁷ Lemphumphutse Jesu layinika kubona kwayo enhla lapho, bebahhwilitisana mbamba ngako. Niyakhumbula ngesikhatsi endlula lapho, bafundzi batsi, “Ngubani lowona, yena noma unina, uyise?”

¹⁴⁸ Jesu watsi, “Kute. Kodvwa kute imisebenti yaNkulunkulu ibonakaliswe.” Futsi Wayinika kubona kwayo.

¹⁴⁹ Naku kuta bonkhe babbali nebaFarisi lapho. Futsi uyise nenina bekesaba imphosakufa, ngoba bese bavele batsite, “Uma noma ngubani alalela lowoJesu waseNazaretha, lowomProfethi, uyovele akunike incwadzi levela ebandleni. Uncunyiwe ebandleni.”

¹⁵⁰ Abakakuntjintji nakancane. Niyabona, lokufanako! “Noma ngubani uyaMlalela, noma uya enkonzweni yaKhe, uphumile ebandleni nje, kwekucala nje.” Bacisha ligama lakho encwadzini ngco.

¹⁵¹ Ngako bahamba futsi batfola uyise nenina, batsi, “Ngabe lena yindvodzana yakho yini?”

¹⁵² Watsi, “Yebo, kunjalo.” Watsi, “Siyati kutsi lena yindvodzana yetfu, futsi siyati kutsi yatalwa iyimphumphutse.”

“Yebo-ke,” watsi, “ukutfole kanjani kubona kwakhe?”

Batsi, “Mbute wena. Sewukhulile.”

Batsi, “Nika Nkulunkulu ludvumo. LoMuntfu lona usoni.”

¹⁵³ Ngani, bekangeke aphikisane nabo ngesayensi yetenkholo. Impela cha. Kodvwa yinye intfo lebekayati. Bekagculisekile kutsi bekasakhona kubona. Watsi, “Nomangabe Useni noma cha, angati. Angati kutsi Uvela kusiphi sikolwa, noma lutfo ngaso. Kodvwa leli liphuzu linye nje lelihle lekuphikisana lenginalo: lapho bengiyimphumphutse, ngigculisekile kutsi manje sengiyabona; ngoba Wangitjela kutsi ngingabona, futsi ngaMlalela.” Haleluya!

¹⁵⁴ Intfo lefanako ngami. Ngake ngaba yimphumphutse, kodvwa manje sengiyabona. Ngake ngangakhoni kubona Loku. Ngangisoni. Wavula emehlo ami. Lapho ngake ngaba yimphumphutse, manje sengiyabona.

¹⁵⁵ Bekaneliphuzu lelihle lekuphikisana, impela bekanalo, kakhulu kangangoba baze bangabe basakhona kumphikisa bamehlule. Ngani na? Bekagculisekile kutsi bekasakhona kubona. Futsi wagculiseka. “Loko,” watsi, “kuyintfo lengakejwayeleki manje. Kubekeni, nine bafo lapha, nibaholi betenkholo besive. Futsi wena utsi awati lapho loMuntfu avela khona, futsi nangu Enta ummangaliso kimi, loku akukaze kwentiwe emhlabeni. Leyo yintfo lengakejwayeleki.”

¹⁵⁶ Mnaketfu, ngikholwa kutsi ungu siyazi wetenkholo lolungile, kuloko. Ngani na? Wagculiseka. Bekenentfo letsite lemgeculisile. Bekayiphumphutse; bekakhona kubona.

¹⁵⁷ Davide, ngesikhatsi enyukela emphini yaSawula, Goliyathi ngakulolunye luhlangotsi, Davide bekayindvodza lencane kunawo onkhe esicukwini. Goliyathi bekangulomkhulu kunabo bonkhe. Sawula bekangacatsaniseka kakhlulu naye. Sawula bekatsi akabe ngemafidi lasikhombisa, ngiyacabanga, noma ngetulu, mhlawumbe lasiphohlongo, “Inhloko nemahlombe ngetulu kwayo yonkhe indvodza embutfweni wetemphi wakhe.” NaDavide bekayindvodza lencane kunawo onkhe lapho, futsi bekangiyio kuphela indvodza lengakaceceshwa lapho. Kodywa, mnaketfu, bekagculisekile. Ludvumo! Niyabona na? “Ngitsanza kubukeka ngingiko.”

¹⁵⁸ Caphelani. Bekangakaceceshwa. Bekete tikhali. Bekangati lutfo ngako. Futsi bekangumfo lomncane nje lobovana. Kodywa bekagculisekile, futsi bekatihlupha mayelana nemphi lebeyitibita “ngemphi yaNkulunkulu lophilako.” Futsi bekagculisekile kutsi Nkulunkulu, Lobekamsite kulesosidubulelo, kubulala libhubesi nelibhele, impela bekungakhipha lowomFilisti longakasoki. Bekagculisekile, wase-ke uyatihlupha ngalemphi. Akunandzaba kutsi une... Uma sewugculisekile khona-ke utihlupha, kodvwa ufanele ugculiseke, kucala. Ngako, bekagculisekile.

¹⁵⁹ Ngiyakhumbula ngalobunye busuku, busuku lobushisa sibili, kwesabeka yonkhe indzawo, aya emphini. O, timo letiyincaba tatimelene naye. Futsi wakhuleka. Bekalele ngephandle lapho ngaphansi kwesihlahla semagungumence. Imphi yase ivele ilungele, ngephandle lapho kuyohlangana naye. Walala ngaphansi kwalesihlahla semagungumence. Futsi emvakwesikhashana weva intfo letsite ita, futsi yachubeka yadzabula etihlahleni temagungumence, yase ichubeka ipuma ngalenyne indlela. Bekagculisekile, mnaketfu. Akunandzaba kutsi tincaba tatiyini, bekagculisekile kutsi Nkulunkulu wangena, embikwakhe.

¹⁶⁰ Madvodza, uma ningema lapha, kusihlwa, akunandzaba kutsi yini lengalungi kuwe; uma ungeva loko kuvunguta kwemoya kwaMoya loyiNgewe eta kuwe, futsi atsi, “NgiyiNkhosi lephilisa tonkhe tifo takho. Ngiyakuphilisa manje.” Uma ungagculiseka, mnaketfu, awunandzaba kutsi kuchumana kuni lokungephandle lapho, sewuvele uyati kutsi kutokwenteka. Impela.

Wagculiseka wase-ke uyatihlupha.

¹⁶¹ Samsoni eme embikwemaFilisti, anemhlatsi wemnyuzi esandleni sakhe, bekanga—bekangakahlomi ngisho nekuhloma. Kodywa bekagculisekile kutsi loNkulunkulu lowamvusa,

bekangakhona, ngalowomhlatsi wemnyuzi, kubulala lama Filisti lawa. Futsi wabulala inkhulungwane.

¹⁶² Umprofethi lobalekako, Mosi, ngesikhatsi Mosi sekagculisekile kutsi kwakunguNkulunkulu kulesosihlahla. Niyati, Mosi bekangakaze abe nesentakalo naNkulunkulu. Bekanencumbi yesayensi yetenkholo. Kodvwa bekasagijimile. Kodvwa ngesikhatsi...Bekagculisekile kutsi Lowo kwakunguNkulunkulu kulesihlahla. Ngoba, liPhimbo lakhuluma livela kulesihlahla, limcaphumela umBhalo, futsi wagculiseka kutsi Lowo kwakunguNkulunkulu. Futsi Nkulunkulu watsi, “Ngiyoba nani.” Niyati, bekalahlekelwe ngiko konkhe kutihihupha ngemtfwalo eGibhithe. Bekakadze angephandle lapho iminyaka lengemashumi lamane, futsi lesosigcila sikhashane. Kodvwa ngesikhatsi sekagculisekile kutsi kwakuyintsandvo yaNkulunkulu kubakhulula, wase uyatihlupha ngelusuku lololandzelako.

¹⁶³ Nangu ehla ngemgwaco. Ungake ucabange nje kutsi kwakubonakala kuyini? NaZipporah ahleti etikwemnyuzi, Gereshomi lomncane engculwini yakhe. Silevu silengela phansi kanjena, iminyaka lengemashumi lasiphohlongo budzala; inhloko lenemphandla icwebetela elangeni; indvuku legwegwile esandleni sakhe; amemeta, “Haleluya!” Ehlela eGibhithe, kuyowengamela. Yebo.

Kungahle kukwente utiphatse ngalokungakejwayeleki.

¹⁶⁴ Kungahle kube kwamenta watiphatsa ngalokungakejwayeleki, kodvwa bekagculisekile. Ngani na? “Ngihamba nawe, Mosi. Ngitotsatsa lendvuku lesesandleni sakho, futsi ngiyokhulula bantfu baMi.” Manje, indvuku lendzadlana legwegwile yayingabukeki kakhulu, kodvwa, mnaketfu, bekagculisekile ngoba Livi laNkulunkulu lalinalo.

¹⁶⁵ Uyati kutsi Livi laNkulunkulu linawe, futsi likuwe, ungagculiseka.

¹⁶⁶ Bantfwana bemaHebheru, bebagculisekile kutsi Bekangakhona kugcina Livi laKhe, yebo, kuphela nje uma bebangema kuLo. Nkulunkulu wabatjela kutsi bangakhotsameli tithico. Nguloko impela nje Nkulunkulu bekakucondzile. Futsi bebatu kutsi uma bangakhotsameli lesosithico, kutsi Nkulunkulu bekakhona kugcina Livi laKhe. Bebagculisekile kutsi Bekangaligcina. Base-ke ngesikhatsi sebagculisekile mayelana nekuma neLivi laKhe, Nkulunkulu bekatihlupha mayelana nekuma nabo.

¹⁶⁷ Uma ugculisekile kutsi Leli Livi laNkulunkulu, Nkulunkulu uyatihlupha kutsi akunakekele naLo. WaKutama, emasimini angephandle nasetindzaweni tonkhe, uma ugculisekile kutsi Kuliciniso. Kodvwa, ufanele ugculiseke, khona-ke Nkulunkulu utotihlupha ngawe. Kodvwa, kucala, ufanele ugculiseke

kutsi NguYe, futsi Uyasigcina setsembiso saKhe, khona-ke Nkulunkulu uyatihlupha.

¹⁶⁸ Mata wagculiseka kutsi uma Jesu acela Nkulunkulu, kwakutokwenteka. Watsi, “Angikhatsali kutsi noma ngumuphi wabo utsini. Angikhatsali noma dzadzewetfu Mary akakholelwa kuko. Angikhola, angikhatsali kutsi rabi utsini. Kodvwa, Nkhosi, kube Bewukhona, umnaketfu ngabe akafi.” Wase utsi...“Ngisho namanje, ngigculisekile, uma Utocela Nkulunkulu, Nkulunkulu utoKupha kona. Kutokwenteka. Ngitokwehla ngco, ngisuse lelitje. Ngitokulungisela. Ngigculisekile.” Impela.

¹⁶⁹ Ngikhumbula babe wami, entasi eKentucky, eminyakeni leyendlulile. Tilimo tonkhe tatisha tiphela. Futsi lomshumayeli lomdzala wesifundza wavela, futsi bekayindvodza lendzala lenhle kakhlulu. Ngesikhatsi aguce ngemadvolo akhe, wahlala lapho kwaze kwenteka lokutsite. Ngalolosuku, bonkhe bebafung kuhulekela imvula kutsi ifike. Papa watsi, ngesikhatsi leyondvodza lendzala ishona phansi ngemadvolo ayo, futsi wabona letotandla letindzala letishwaphene tenyukela etulu emoyeni, watsi, “O Nkulunkulu, ngiKukhontile. Labantu laba baKho, netilimo tabo tiyasha.” Babe watsi shelele waphuma ebandleni ngco, futsi waphumela lapho wase ukhipha sihlalo selihhashi emnyuzini wakhe, wasiphonsa ngaphansi kwelibandla, ngoba bekti kutsi imvula beyita. Wagculiseka, yebo, mnumzane, khona-ke wase uyatihlupha ngesihlalo sakhe selihhashi. Emvakwekuba sewugculisekile!

¹⁷⁰ Mata watsi, “Kube Bewukhona, umnaketfu ngabe akafi. Kodvwa ngisho namanje, noma yini Loyicela kuNkulunkulu, Nkulunkulu utoKupha kona. Kunjalo. Kutokwenteka, uma Utocela Nkulunkulu.” Akumangalisi yini loko?

¹⁷¹ Jayiru, anesidvumbu endlini yakhe, umntfwana wakhe lokuphela kwakhe, aneminyaka lelishumi nakubili budzala, intfombatanyana. Umlayeto wefika, “Ungasayikhatsati iNkhosi, ngoba seyivele ifile.” Futsi Jesu watsi...

¹⁷² Kwekucala, watsi kuJesu, “Intfombatanyana yami seyifile manje, kodvwa Ngigculisekile.” Haleluya! “Wota, ubeke tandla taKho etikwayo, itoba kahle.” Ugculisekile!

¹⁷³ Bekevile ngajesu. Bekayati imisebenti yaKhe. Bekalikhola langansense. Phansi enhlitiyweni yakhe, wakhola kutsi leyo kwakuyiNdvodzana yaNkulunkulu. Bekagculiseke ngalokuphelele kutsi kwakungiyo. Niyati, akumangalisi yini loko? Nkulunkulu wamphocelela kulendzaba.

¹⁷⁴ Nkulunkulu uyati kutsi angakuphococelela kanjani. Kunjalo. Ngaletinye tikhatsi Ukunika kugula, konkhe lokunye, kukuphococelela kuko nje, ukhombise umbala wakho, kutsi uyini.

¹⁷⁵ Wamphocelela. Jayiru waphocelela kutsi akukholwe. Ngako-ke wakhombisa kutsi bekayini. Watsi, “Uma Utokuta,

ubeke tandla taKho etikwentfombatana yami, naloku nje beseyifile, itophila.” O, hhe! Ngiyakutsandza loko.

Ngicabanga kutsi, Mata washо intfo lefanako.

Jesu wagculiseka ngaKo, naye.

¹⁷⁶ Lisotja laseRoma, indvuna yelikhulu, yagculiseka, kutsi uma kuphela bekangatfola Jesu kutsi ashо Livi. Lalelani lelosotja, umRoma, weTive, lihedeni. Watsi, “Ngingumuntfu longaphansi kweligunya. Ngitsi kulendvodza, lelisotja, ‘Hamba uye *lapha*,’ futsi lihambe. Futsi ngitsi *kulona*, ‘Wota,’ futsi uyeta.” Ngani na? Bekangetulu kwakhe. Bekafakaza ini na? “Jesu, Usetikwato tonkhe tifo. Usetikwako konkhe. Uma nje ngingaKuva nje usho Livi, inceku yami itophila. Ngigculiseke sibili.”

Bese-ke, emvakwako konkhe loko, sisasolo singakagculiseki. Niyabona na?

¹⁷⁷ Kwakuyini na? Jesu watsi loko kwakukukholwa lokukhulu. Akakutfolanga loko ka-Israyeli. “Khulumа Livi nje.”

¹⁷⁸ NaKu, khona *Lapha*. “Uma ukhuleka, kholwa kutsi uyakwemukela lolokucelile, futsi utawuba nako. Uma utsi kulentsaba, ‘Cukuleka,’ futsi ungangabati enhlitiyweni yakho, kodvwa ukholwe kutsi lolokushito kutofezeka, ungaba nako lolokushito.”

¹⁷⁹ Khona-ke uvuma. Ini? “Ngemivimba yaKhe ngiphilisiwe. Ngemusa waKhe ngisindzisiwe. Ngesetsembiso saKhe Ngitolalela, futsi Ngitogcwaliswa ngaMoya loNgewe.” Nako lapho ukhona, uma ugculisekile kutsi Uyaligcina Livi laKhe. Kodvwa kucala ufanele ugculiseke.

¹⁸⁰ Lowesifazane lobekanemopho, wagculiseka; akunandzaba kutsi rabi watsini, nekutsi umpristi watsini, nekutsi umyeni wakhe watsini, nekutsi lomunye umuntfu watsini. Watsi, “Leyo yiNdvodza leNgewe. UyiNdvodzana yaNkulunkulu. Futsi uma ngingatsinta umphetfo wesembatfo saKhe, nguloko kuphela lengingakwenta. Ngigculisekile kutsi ngitolulama.” Naloku nje dokotela atsi angeke alulame, kodvwa watsi, “Ngingaluma uma nje ngingatsinta umphetfo wesembatfo saKhe.” Wagculiseka.

¹⁸¹ Lowesifazane emtfonjeni wagculiseka kutsi BekanguMesiya, ngesikhatsi abone lesosibonakaliso sembhalo, kutsi bekat kutsi Mesiya bekatoba yini. Njengoba ngishito manje ekuseni, leyomphilo lemiselwe ngaphambili ilele lapho. Futsi watsi nje anga... Yona, emanti lafutfumele atfulula... Emanti lapholile, njalo, atfululelwa phansi kuleloLivi lekuphila Nkulunkulu lebekalimisele ngaphambili kusukela ekusekelwени kwemhlaba, uKubonile [UMnaketfu Branham uchumisa umuno wakhe—Umhl.] ngekushesha kanjalo. Ngesikhatsi, kwakukhonа bafundisi lapho, abaKubonanga; baphristi lebebaNgakuboni; baphristi labakhulu abaKubonanga; bafundisi basesontfweni labakhulu abaKubonanga; baKubita nga “develi.” Naleyо

tatane, ingwadla lencane ngephandle lapho, Nkulunkulu bekakumisele ngaphambili loko kusukela ekusekelweni kwemhlaba. Uma wake waba lapho, wawukhona, nawe.

¹⁸² Manje, liBhayibheli latsi, “Etinsukwini tekugcina, umphikukhristu uyoba ngulokholwako impela, futsi afane kakhulu nentfo sibili, kuze kudukise nalabaKhetsiwe uma bekungenteka.” Kodvwa, akusiko. Kunjalo. Futsi, “Konkhe.” “Uyodukisa bonkhe, etikwemhlaba, labo emagama abo langakabhalwa eNcwadzini yekuPhila yeliWundlu.” Kusukela emvuselelweni yekugcina na? Loko akuvakali njengeliBhayibheli, ngabe kuyakwenta na? [Libandla litsi, “Cha.”—Umhl.] “Kusukela ekusekelweni kwemhlaba.” Awunawubadukisa, ngoba balele ngco kuleloLivi. Uma babona letotintfo tichamuka, [UMnaketfu Branham uchumisa imino yakhe.] KukuPhila, bayayibamba khona manje.

¹⁸³ Labanye bayohambahamba, batsi, “A, akukho lutfo kuLoko. Huh!” Niyabona na? Abakagculiseki. Akukho lutfo lapho lokungabagculisa. Akukho lutfo kubo, kukholwa ngalo.

¹⁸⁴ Make bekavamise kutsi, “Ungayitfola kanjani ingati kutheniphu kube kungekho ngati kuyo na?” Kunjalo.

¹⁸⁵ “Timvu taMi tiyaliva liPhimbo laMi.” Tiyalati Livi. Yini liPhimbo laKhe na? Nali Lapha. Letivumokholo leti atitilandzeli. “Kodvwa, tiva liPhimbo laMi, tiyaLilandzela.”

¹⁸⁶ Wesifazane emtfonjeni wagculiseka ngalokuphelele. Wase-ke uyatihlupha kutsi bantfu bakhe bebatosibona lesosibonakaliso futsi baSikholve, emvakwekuba sekagculisekile kutsi Lowo kwakunguMesiya. Ngoba, Wamjtela kutsi inkhatsato yakhe yayikuphi. Watsi, “Mnumzane, siyati uma Mesiya efika, Uyokwenta loko.”

¹⁸⁷ Watsi, “NginguYe.” Bekati umuntfu lobekangenta leyontfo impela bekangakhulum liCiniso. Ludvumo kuNkulunkulu! Yebo, umuntfu Nkulunkulu latomsebentisa ngaleyondlela bekangeke acambe emanga. Kunjalo. Utokutjela liCiniso. Watsi, “NginguYe.”

¹⁸⁸ Futsi wajabula kakhulu ngesikhatsi loko kuKhanya kubhobokela kuleloLivi, wagijimela edolobheni. Wagculiseka ngalokuphelele. Noma ngabe bekafanale, noma cha, wagijimela edolobheni futsi watjela laborabi nebaphristi, nawo onkhe emadvodza etitaladini, emadvodza asemakethe, nasetulu kuyo yonkhe igrosa. Futsi ehla enyuka nesitaladi wahamba, afakaza, “Wotani, nibone uMuntfu Longitjеле tintfo lengitentile. Tsatsa liBhayibheli lakho. Buka embhalweni logocwako. Lelo akusiko yini liCiniso, kutsi Lowo nguloMesiya impela na?” Wagculiseka. Iyosukuma ekwahlulelwani futsi ilahle tinkhulungwane tebantfu e-United States lapha. Impela iyokwenta.

¹⁸⁹ Niyati, Jesu watsi, “Indlovukazi yaseningizimu iyosukuma ekwahlulelwani, ibalahle, ngoba utela kutova

siphiwo sekuhlakanipha, loko Solomoni bekanako, kubona lokufihlakele.” Wase utsi, “Lomkhulu kunaSolomoni ulapha.” Impela. Kodvwa bantfu bebasolo bangaMkholwa. Impela.

¹⁹⁰ Wagculiseka, futsi bekafuna bantfu bakubo kutsi bagculiseke. Niyabona na? Emvakwekuba sekagculisekile, wase-ke uyatihlupha ngebantu bakubo. Bekati kutsi Lowo kwakunguMesiya. Bekati kutsi nguloko liBhayibheli lelatsti kwakutokwenteka uma Mesiya efika.

¹⁹¹ Watsi, “Siyati kutsi Mesiya, lotsiwa nguKhristu, uma Efika, Uyositjela letotintfo. Kodvwa Wena ufanele ube ngumprofethi.”

Jesu watsi, “NginguYe.”

¹⁹² Nango bekalapho agculisekile. Ngoba, bekati kutsi umBhalo washo njalo, futsi Wawulapho. Wagculiseka, wase-ke uyatihlupha. Wahamba futsi wayotjela lomunye umuntfu.

¹⁹³ Manje, Jesu wagculiseka kutsi Bekatovuka ngelusuku lwesitsatfu. Wagculiseka kakhulu, Watsi, “Lidzilteni Lelithempeli, futsi Ngitolivusa ngelusuku lwesitsatfu.”

¹⁹⁴ Ngani na? Davide, emiBhalweni, ngaphansi kwekuphefumulelwa, umprofethi. Davide bekangumpfethi, niyati. Davide, ngaphansi kwekuphefumulelwa, waprofetha, futsi watsi, “Anginawushiya umphefumulo waKhe esihogweni, kanjalo futsi Angeke ngivume kutsi LoNgewe waMi abone kubola.”

¹⁹⁵ Futsi Bekati kutsi ngalesinye sikhatsi ema-aweni langemashumi lasikhombisa nakubili, ngaphambi kwekutsi kubola kungene kulowomtimba, Bekatovuka. Ema-awa langemashumi lasikhombisa nakubili tinsuku letintsatfu nebusuku. Watsi, “Lidzilteni, futsi Ngitolivusa phindze,” agculiseke ngalokuphelele, kunjalo, kutsi Uyowuvusa futsi. Bekati kutsi imiBhalo ingeke yehluleke. Haleluya!

¹⁹⁶ Ngigculisekile kutsi Unguye itolo, namuhla, naphakadze. Ngigculisekile, enkonzwensi neMlayeto, lengiwushumayelako, ngigculisekile kutsi LiliCiniso. Ngigculisekile kutsi lemibono ivela kuNkulunkulu. Ngigculisekile kutsi siphila etinsukwini tekugcina. Ngigculisekile kutsi wona kanye loMoya lokimi manje nguMoya loNgewe. Ludvumo!

¹⁹⁷ Ngigculiseke sibili. Ngigculisekile kutsi indlela yaMoya loNgewe ilungile. Ngigculisekile kutsi indlela yeliBhayibheli iliCiniso. Ngigculisekile kutsi Lona nguJesu Khristu lapha manje. Ngigculisekile. Uma siMkholiwe ngalomzuzu, Ngigculisekile kutsi Utophilisa wonkhe umuntfu logulako ngesikhashana, ngekucwabita kweliso. Ngigculisekile kutsi Bekatoffulula Moya loNgewe etikwalapha, kuze kube khona inhlokombo lenjalo, kuze kubematima kusho kutsi bekutokwentekani.

¹⁹⁸ Ngigculisekile. Ngiyakukholwa ngenhlitiyo yami yonkhe, hhayi ngoba sengilikhehla. Ngashumayela loku ngesikhatsi ngisengumfanyana, ngingakengci eminyakeni lengemashumi lamabili budzala. Ngaba ngulogculisekile kusukela ngalelolanga Ahlangana nami emfuleni. Haleluya! Ngigculisekile kutsi Ulapha manje. Ngigculisekile. NaleyoNsika yeMlilo iyiNsika yeMlilo lefanako leyayikanye na-Israyeli ehlane, yiNsika yeMlilo lefanako neliBandla namuhla. Ludvumo! Ngigculisekile kutsi Licinisile. Nginikele imphilo yami ngaLo. Ngishiye likhaya nayo yonkhe lenye intfo, nginikela yonkhe intfo yami ngaLo. Ngigculisekile kutsi LiliCiniso.

¹⁹⁹ Ngigculisekile kutsi Ulapha manje. Ngigculisekile kutsi loMoya lolapha manje nguMoya loNgcwele. Ngigculisekile kutsi sibhabhatiselwe eMoyeni waKhe khona manje. Ngiyati kutsi LiliCiniso. Ngigculiseke ngalokuphelele kutsi Jesu Khristu unguye itolo, namuhla, naphakadze. Ngigculisekile, ngigculiseke ngalokuphelele.

²⁰⁰ LeyoNgelosi yahlangana nami etulu lapho futsi yangitjela kutsi Wentani. Ngime embikwemahedeni ngetinkhulungwane, nemashumi etinkhulungwane. Wena utsi, “Awesabi yini?” Cha, mnumzane. Ngigculisekile kutsi Ivela kuNkulunkulu. Ngigculisekile ngoba YayingekwemBhalo. Ngigculisekile kutsi YiNgelosi yeNkhosi. Ngikukholwa ngako konkhe lokusenhlitiywani yami. Amen. Ngigculisekile, uma besingacela Nkulunkulu nganomayini, Bekangasipha kona. Uyesaba nje. Ungesabi. Ulapha.

²⁰¹ Ngigculisekile kutsi wona kanye lowoMoya leniwuvako, Moya loyiNgcwele longena kitsi, ngigculisekile kutsi Lowo nguKhristu. Amen. Ngigculisekile kutsi khona manje, kutsi, Loku nguloko lengikubukile, lendingilizi yekuKhanya embikwami, ngigculisekile kutsi lowo nguMoya loyiNgcwele. Ngigculisekile kutsi lowombono usetikwemehlo ami. Ngiyati kutsi Unguye. Amen. Ngiphonsela wonkhe develi eveni, kuleli-awa. Kunjalo! UnguNkulunkulu. Khristu akasuye nje umprofethi, UnguNkulunkulu, akukho lokushodako ngako.

²⁰² Asikhotsamise tinhloko tetfu umzuzwana nje. Ngingeke ngisakhona kuchubeka nekushumayela nje. Hum! Lugcobo lolunjefho! [Akucoshwanga etheyiphini—Umhl.]

²⁰³ Alibusiswe liGama leNkhosi! Ugculiseke ngalokuphelele kutsi UnguJesu Khristu, longuye itolo, namuhla, naphakadze!

²⁰⁴ Babe loseZulwini, ngigculisekile kutsi NguWe. Ngiyakhuleka, Nkulunkulu, kutsi njengoba ngishiya langembili, kusihlwa, kutsi Utokwenta intfo letsite lekhetskile. Fakaza kulabantfu, kanye futsi, kutsi NguWe. Nginikela letetsameli leti kuWe. Nkhosi, sisetandleni taKho. Yenta kitsi njengoba Ubona kufanelekile. EGameni laJesu. Amen.

Kukhona lokwentekile. Ngigculisekile kutsi Nkulunkulu ulapha.

²⁰⁵ Ngabe uwakhophile emakhadi ekukhulekelwa, akhona emakhadi ekukhulekelwa? [Lomunye utsi, “Cha.”—Umhl.] Cha. Asiawadzingi. Ngigculisekile kutsi Ulapha. Niyakukholwa na? [Libandla litsi, “Yebo.”]

²⁰⁶ Uma ugculiseke mbamba, tsani, “Jesu, ngiyaKutsinta, ngekuvelana nebut sakatsaka bami. Ngikholwa kutsi uMnaketfu Branham ukhulume liCiniso. Ungumuntfu nje. Wena unguNkulunkulu. Kodvwa ngikholwa kutsi ukhulume liCiniso, ngoba KuLivi. Akwenteke, Nkhosi. Akakhulume nami futsi angitjele. Ngente ngigculiseke.”

²⁰⁷ NaYi, seyivele ilamhlanganweni. Loyadzadze lohleti lapho, ukhulekela simo sekushaywa luvalo. Intfombatanyana yakhe, lekanye naye, itsatsa kancane engcondvweni. Utokukholwa na? Make logulako ekhaya. Bani nekukholwa. Ungangabati. Ungaba nako lokucelako.

²⁰⁸ Ngigculisekile kutsi leNgelosi lefanako leyehla ngesimo seMuntfu futsi yakhuluma na-Abrahama, nemhlane Wayo ufulatsele lithende, ngiyo Lena lefanako lelapha kusihlwa. Wetsembisa kutsi kuyoba njalo. Ngikholwa kutsi leyoNgelosi lefanako iyasicoba, ngoba KwakunguNkulunkulu. Niyakukholwa na? [Libandla litsi, “Amen.”—Umhl.] Kulungile, Sara, ekhatsi lapha ndzawanatsite, ukhuluma naNkulunkulu. Ngigculisekile, dzadze. Ngigculisekile mnaketfu, ngiyati kutsi kuliCiniso. Impela kungilo.

²⁰⁹ Kunadzadze lohleti emvakwami. Unenkhatsato yenhlitiyo. Uhleti ngemuva kwami ngco. Angimati. Ume embikwami. Unguwesifazane losakhulile losemkhatsini nendzima yemphilo. Akasuye walapha. Uvela eVirginia. Nkkt. Fox, Jesu Khristu uyakusindzisa. Uhleti khona ekhatsi lapha. Ake sibone. Nguye lona, khona *lapha*. Kholwa.

²¹⁰ Niyakholwa na? [Libandla litsi, “Amen.”—Umhl.] “Uma ungakholwa nje, tonkhe tintfo tingenteka.”

²¹¹ Ucabangani ngako, dzadze? Ngabe wena nami asatani, lomunye nalomunye na? Uyangikhola kutsi ngingumprofethi waKhe na? Uyakholwa na? Unenkhatsato yenhloko. Kunjalo. Ligama lakho unguNkkt. Moore. Uma loko kunjalo, phakamisa sandla sakho. Hamba ekhaya. Uphiliswe.

Uyakholwa na?

²¹² Manje lomunye etulu lapha, embikwami lapha. Naku, lomunye. Nguwesifazane. Unemdlavuza ebeleni. Nkkt. Rhodes, kholwa yiNkhosi Jesu Khristu. Angimati lowesifazane. Nkulunkulu uyamati. “Wena ungakholwa nje, tonkhe tintfo tingenteka.” Kunjalo.

²¹³ Indvodza lehleti ngaleya, ikhuleka, ivela eTulsa. Mnumz. Harwood, kholwa yiNkhosi Jesu Khristu. Hamba, usindze. Bani nekukholwa. Nguloko kuphela lonako. Angiyati lendvodza, angikaze ngiyibone emphilweni yami. Sitihambi. Kodvwa loko kunjalo. Ngani na? Itsintse Intfo letsite.

²¹⁴ Nigculisekile na? [Libandla litsi, “Amen.”—Umhl.] Ngabe nigculisekile kutsi Nkulunkulu uyaligcina Livi laKhe? [“Amen.”] Uma nigculisekile, bangakhi kini lonesidzingo?

²¹⁵ Manje, impela, njengoba lowesifazane acabanga emtfonjeni... Butani labantfu laba. Hambani, nikhulume nabo, nomakuphi lapho ba...

²¹⁶ Ngibona lomunye. Yebo, lomunye. Lalela, ubone kutsi kungiko yini noma cha. Manje Kuyatungeleta sakhiwo. Sonkhe lesakhiwo sigcotjiwe, yonkhe indzawo. Ngigculisekile kutsi Bukhona baJesu Khristu butophilisa wonkhe umuntfu lapha.

²¹⁷ Ngabe nigculisekile ngalokufanako? [Libandla litsi, “Amen.”—Umhl.] Nigculisekile kutsi nginitjеле liCiniso? [“Amen.”] Nkulunkulu uyacinisekisa kutsi nginitjela liCiniso. Khona-ke, ngiyala kutsi nime ngetinyawo tenu futsi nemukele kophiliswa kwenu, eGameni laJesu Khristu. Uma nigculisekile, phakamiselani tandla tenu kuYe, futsi niMniike ludvumo.

²¹⁸ Babe loseZulwini, Moya loNgewe, gcwalisa lesakhiwo. Bagculisekile kutsi Sathane wehluliwe.

²¹⁹ EGameni laJesu Khristu, Sathane, phuma kulendzawo lapha. Sigculisekile kutsi lobu Bukhona baJesu Khristu lolobulapha. Futsi kutokwentiwa. Amen.



KUGCULISEKA BESE UYATIHLUPHA SSW62-0610E
(Convinced Then Concerned)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yeNhlaba 10, 1962, e-Aberdeen High School eAberdeen, eNorth Carolina, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org